

晚晴籟詩匯

第十三册

晚晴移詩匯卷三十一目錄

徐元文 十五首

葉方靄 十二首

姚締虞 一首

翟廉 二首

于覺世 二首

王追驥 二首

盧乾元 一首

王大作 一首

崔華 七首

鄭日奎 三首

曹鼎望 五首

姚文燮 一首

李伸 一首

井在 三首

王鉞 二首

馬驩 一首

李如枋 二首

高恆懋 一首

彭鵬 二首

成克大 五首

鄭茂 一首

支隆求 一首

孔貞瑄 一首

王士禎 一首

董俞 二首

崔華 七首

馬騰龍 一首

張玉書 五首

李仙根 一首

申涵盼 九首

孫蕙 十七首

馬世俊 四首

羅人琮 一首

邵廷齡 三首

李時震 一首

連佳樗 七首

張衡 四首

牛樞 一首

孫錄 五首

蘇楫汝 二首

葉映榴 一首

林堯英 二首

魏裔訥 三首

王維坤 七首

高之駒 一首

李世錫 二首

趙培基 三首

唐世徵 一首

侯元業 一首

諸嗣郢 三首

李自郁 一首

蘇媚 四首

晚晴移詩匯卷三十一

徐世昌

徐元文字公肅號立齋崑山人順治己亥一甲一名進

士授修撰官至文華殿大學士有含經堂集

詩話立齋昆季並掇巍科同躋台鼎文章上結主知士林奉爲泰斗而皆不安於位立齋致仕後未久卒於家其詩修潔整飭律句長於隸事猶有幾社之餘韻焉

懷賢詩

馮太傅溥

嶽嶽馮太傅由來秉直伉格心帷幄中抗議巖廊上兩朝
信貞篤終以資弼亮殷然去國心矢謨一何壯重謁屬車
塵輸忠永不忘車駕東巡公奏乞回鑿請無雨幸

湯巡撫斌

中丞荷道重沉靜寡物慮致君託蓋誠推己得強恕屹焉
鎮江國清風暢晨曙樹表畏具僚悖俗變黎庶持用悅性
情非取要民譽

徐總漕旭齡

吾宗挺賢達儻然美無度抗志古人間落落遺世務登陞
色不辱宰物眾所慕再歲畀雙節一日芟百蠹持情無激
矯適己但貞素

徐處士枋

卓哉徐處士皎節淨如練入山豈必深塵跡自能斷載乘
探幽奧山川寫英綉君善丹青以給食獨寤聊自歌斯飢亦云宴
珍重式廬情斯人不可見巡撫湯公屏驛從入山訪之君辭不見

陸知縣隴其

陸君任名教學植固深基秉禮自貞篤執德無委隨鳴琴
化不輟塵甑固其宜畜民如子弟求理若渴飢安得究儒
術樹之爲人師

韓學士焚

矯矯韓學士高視薄浮盭寡慮泊無營立言道所賴痛飲
非徒然寄賞不在外物情任回適攬古意自泰心清白雪
照興逸朱霞會

汪編修琬

汪翁鈍自名曾不樂宦達平生無俗情率爾自軒豁真意
安可渝隨人議疏闊著書何沈深直排古賢闢山館恢嘉
賞塵組猶屣脫

張知府鵬翮

張侯天姿妙瀟灑自拔俗驚人厲危操適己澹羣欲挺節
立郡朝疆直無蹙縮吳趨攀素車魯郡明丹轂君在吳未
甚著以憂去
後補守兗州何用美斯人比德崧山玉

二給事詩

孫君蕙

元叔賦疾邪發音何煌煌休璉感時俗陳辭慨以慷伊人
負奇姿奕奕黃門郎激昂論意氣伉達上封章嫉惡有本
性見之若採湯作詩寓孤憤屬興深且長此意誰實諒讀
之增感傷

任君辰旦

諛巧日以工直讜道不存聖明忠易效曷不顧國恩之子
奮百里高步登掖垣職思在獻納天關手欲捫登祀諒非

古違眾進苦言

君上疏論
封禪事

艱哉松山役慷慨聲不吞

君奏
瘞塞

外明時戰骨得自詰問令馳往
省視人皆爲君危君意氣自若

碌碌彼徒爾遇合烏足論

江南三學使詩

三學使者劉君果田君
夏趙君崙皆山東人

人心日已偷士恥日已忘鬱彼禮義府俄成賅賂場榷梓
誰爲收筐篋厚自將因緣書上考意氣何軒昂安知抱玉
客掩涕徒浪浪吳都信多幸銜使交琳琅劉君奮才傑高
自標門牆所過列巾卷訓飭故百方田君夙英挺若渴勤
搜揚文體一以變流風爲之昌弭節未淹歲矯矯立士坊
繼以連城壁溫雅彰令望采采深淵藻灼灼茂林芳人思
肆朱絃戶有陳青箱彼皆奮東國身近鄒魯鄉聖澤雖已
遠篤生尙材良教術豈苟同同於厲冰霜足令振頽俗姓
氏餘輝光

秋日雜感

雲物蒼涼禁籞同逼人秋氣動遙空銅池霽滴宵宵雨金井梧飄葉葉風秘閣幾曾鏘佩玉繚垣時聽響哀鴻當年醉草青詞處滿徑苔衣鎖碧宮

天兵萬里播聲靈誓掃鯨鯢服不庭催戰正馳赤白羽轉輸難論斗箕星同時將帥推徐勣蓋代勳庸數衛青文齒雕題拓地遠受降還擬到窮溟

金風閭闔授衣初隴畝荒蕪足感獻淮右人民祈石燕江州車馬就河魚大農孰問長平粟左藏仍編會計書但得政苛非猛虎甘將膏血佐儲胥

夢到闔閭城外望一天寒色滿平蕪街調獻轡嚴秋馬樹繞將雛子夜烏白羽將軍初建節青苗長吏正催租廟堂

自軫艱難意誰繪流民入畫圖

葉方靄字子吉號詡庵崑山人順治己亥二甲三名進

士授編修官至禮部侍郎加本部尙書諡文敏有讀

書齋偶存藁

詩語詡庵以文學受兩朝特知清望最著論詩服膺漁洋交相契重初著日瓢齋集自棄其藁及編集專載登朝至歸田之詩而漁洋感舊集所錄泰半爲其少作氣體清迥超俗晚年乃多和雅之音嘗編錄國初諸家詩曰獨賞集分家白題絕句持論至允

村舍見紅紫葵花開特可愛

插棘編荆茅舍清此中誰擬見傾城紫絲作障遮空暗紅
錦裁衣曳地明惆悵忽從攀處得淒涼多爲別時生不須
更結繁華夢野蝶山蜂自有情

春日

柳短閒莎長春風觸處狂蝶飛遺剩粉鶯過炙新簧銀棧
頻傾酒金鑪滿蒸香可容窮阮籍一慟綺羅旁

秋日過鄰院

山雲禪榻靜相因偶爲孤游得笑頓閒對景光真逝水暗
悲身世總流塵頻來檐鳥疑新主別去庭花是故人
漁歌數聲笛溪邊林下轉情親

枯樹

無復凌霄聳壑心千尋落落卧幽岑敢將榮悴爭時代獨
與巖流共古今縱使帆來難近漢便教斲就不堪琴南朝
名士雖工賦未解莊休意更深

柳

嫋雨拖煙萬萬絲秋來顛顛不勝悲何人曾到靈和殿記

得君王手種時

瓊樹

瓊樹何曾見一枝紛靡眾草競英蕤擬從騷客求蘭佩欲
向靈妃問桂旗天上只疑星是石人間枉泣墨非絲偶經
抵鵲山前過終古無端替玉悲

清江

清江水色碧於苔南客扁舟北渡來曉日未瞻鵝鵲觀陰
雲已滿鳳凰臺漫防酒醉先防醒不怕花殘卻怕開無限
傷心還自語此生終見太平迴

將至辰山寄勿庵子

知近幽人住谿流覺更清偶隨落花入忽見羣峯迎石上
遲誰酌澗邊遙獨行煙波三十里無分與君爭

關隴平

關嶺茫茫隴流湯湯紆徐逶迤崢嶸嶮巖面蜀肘涼輔車
相將狡焉啟疆震驚我方章一關嶺兀兀隴流瀟瀟彼涇
啟戎乃蠢茲蠢賊爲虺爲蜴爲螟爲蟊昂首張臆助逆抗
有德如蝟之集如豨之突章二涇原旣清羣賊大震睢睢盱
盱延旦夕之命帝命臣海爲隴民徙災帝命臣勇師出自
西陲章三帝詔臣海汝速入坂出彼朝那爲勇軍援犄之角
之沓之蹙之除民之慝俾婦子恬適尙嘉乃績章四海涉河
涇言騰灞澹秦山矗突嶽崎隴坂踰邠越涼飛旂揚旆扶
輿猗靡雲罕綵繚雍部阻長敢憚痛瘡式遏寇虐以甯爾
室家章五勇自河西銜枚疾指來從酒泉轉戰天水矯矯虎
臣一乃心力摧堅挫鋒盪彼蠢賊兵車百萬洶洶雷震橫

會方州爲行爲陣六東西合圍賊在釜底叶其智斯竭其
魄斯奪勇率其麾崖誅谷討曰臣思克曰臣進寶起起奮
武爲王干城勇實帥之桓桓於征七於征何所於鞏於臨
道阻且長蔽虧岑崆深入其阻禽獮草薶申用三驅根株
斷刈餘賊竄蜀游魂猶悸西夏以綬賀蘭其父八脅從蚩
蚩亦孔之哀寬其誅鋤予以惠來維海維勇剛克柔克勇
也帥師爲闢爲被海也救民爲拯爲活北地上郡稽顙歸
命如旱望霓海實綬之九義威戢武奠我西陲剖蝸斲蝟
人畏以懷秦民噓呵化爲謳吟殄熄暴悖克廣德心經戰
伐區薊除租賦問孤弔死起迺沈痼廓我皇恩義聲先路
十帝德振振隴山旣平隴流旣清維天子之禎隴山旣伏
次黔粵滇蜀敢不讐伏如翰如飛萬福來威十一維臣之

力維師之武繫縛巨斨爭刊膾脯塞神人之怒黔首喁喁
式歌且舞億萬斯年篤我皇景祐十二章

海氛清

巨浸稽天滔滔如何天吳蝮像倚以爲家有鯨有鰐有鮫
有鼉摧撞決帆血人於牙中國有聖人爾獨揚其波章一蠢
茲蛙黽亦雜此處曰予勝國後誕致繼其緒藉瑕蹈豐伺
窺肘腋結連蜂螫載逞兇慝離間我臣僕盜據我疆場二章
於興於泉於汀於漳乃揚沸湯乃噪蝮蟾我有城郭倏爲
沮汝我有民人倏爲鱗鯨忍死須臾后來其蘇三章王承帝
命建大將軍旗鼓我冠帶之國忍鱗介是伍據我上游張
我壘學與子偕作與子同仇悉率左右殲此羣醜四章暨暨
藩臣一心一德討賊自贖不叩已恤塹山堙谷馬騰舟駛

親董其旅以臨濛汜陛下曲赦臣臣敢不效死

五章將士和

睦有鳧在藻既獲賊師如飢斯飽或拔其角或脫其距或

斧其吭或截其脅賊窮見窘無地自處

六章

彼强者跳我攘

我逐彼黠者窮我殄我戮神碁之毒鬼速其覆如探鷄鳥

如振槁木非我黷武取彼殘已足

七章

前徒既奔兇渠束手

計無復之狼奔鼠走茫茫煙島爲逋逃藪仁無必取義不

盡殺屏諸窮髮無污我王鉞

八章

四州士女來迎王旅君子

維何元黃在筐小人維何饗殮在筥復爲王臣以耕以仕

歌帝之德誦王之武軌帝德溥將涵負吐納百谷來王

天與地沓何人不綬何物不懷何戾不蠲何善不嘉皇仁

熙熙云何不來

十章

皇帝在位受天之錄東西朔南無思不服其有不服自嬰

日月系言卷之三十一
顯戮獻馘於泮獻俘於廟武功既昭文德用紹史臣奏雅
來哲是詔十一
章

弔鐵崖墓

先生不可見遺塚自斜暉無復攜紅袖還聞葬白衣才銷
明主忌老幸故人依鐵笛吹雲起猶疑踏月歸

授職翰林學士感 恩述懷

麻衣席帽滿塵埃親荷

先皇鬱沐來敢道齊賢留異日屢稱蘇軾是奇才身離牛
口驚還在夢挽龍髯恨不迴今遇吾君重拂拭孤桐果否

囊餘材

姚締虞字厯升號岱麓黃陂人順治己亥進士官至四
川巡撫

夜東王少參舟中

薇省辭黃鶴，蘭橈伴白鷗。
岸回江月抱，天迴夕雲流。
銀漢乘霄上，金陵逼歲遒。
田租聞復減，側識漢皇憂。

翟廉字靜生，號棘麓，趙州人。
順治己亥進士，歷官布政使，參議有宦游偶寄。

感懷

兵戈紛在眼，骨肉遠關心。
半載音書滯，孤城草木深。
黃昏燐火出，白日陣雲陰。
何處猿啼急，淒涼游子吟。

高營夜坐感懷

紅衣新熟橘，白首老書生。
解渴閒呼酒，思家厭說兵。
海天風鼓浪，平野月臨營。
遙憶黃河北，霜寒古趙城。

于覺世字子先，號赤山，山東新城人。
順治己亥進士，歷

官廣東提學道僉事有居巢燕市使越嶺南諸集

詩話赤山別號鐵樵山人初除歸德推官改令巢縣

夜督兵捕巨盜後乞養歸唐豹巖稱桓臺二孝子謂

傅形臣及赤山也

送別北山都諫

竹西亭下放舟行一曲驪歌送客情去盡游人山色暮崑
崙岡畔又潮生

感懷和家兄回狂韻

十年作賦客心違獨倚危樓歎落暉天問有詞愁莫對奚
囊得句滿方歸畫中詩意雲生岫醉裏良朋月傍扉何日
乘風當破浪監州不設蟹初肥

王追騏字雪洲號錦之黃岡人順治己亥進士改庶吉
士授禮科給事中有居俟樓集

送錫杜湘民南旋

汝歸仍是客故國似無情涼月纔今夕秋風已半生相期
他日夢共愛盛時名別意難持贈江流不斷聲

孟秋客中

秋飛一葉後人在萬山中遠笛荒村月孤衾野店風樹衰
容自老蟲細語偏雄知我今宵夢蕭蕭北地鴻

盧乾元字萬資號餘庵漢陽人順治己亥進士改庶吉
士歷官工部員外郎有世清堂集

懷王來碩

碧灣成卧隱歲晚事誅茅月白尋漁桁風危護鳥巢文章
歸老宿魂夢戀深交自達窮通理無煩作解嘲

王大作字邃子曲沃人順治己亥進士官行人司行人

有穆園集

瀑布

曾聞擬海立今信有泉飛絕壁風霆鬪青霄煙雨霏光寒
秋客袂雪瀨宕漁磯晚渡石橋去真同雁蕩歸

崔華字蓮生平山人順治己亥進士歷官陝西涼莊道

有公餘詠

詩話蓮生初官浙江開化令禦賊復城擢守揚州權
運使振災治難皆著政績晉任關中未至旋卒時稱
循良之最詩格頗高游山諸篇清曠不減大謝七律
如檻外天低吳苑樹窗中人倚洞庭山亦佳句也

山游紀勝

冲襟躡秋岑日落千崖聳孤嘯臨遠風勢與江波動輕策
冠飛烏萬象接幽蹕寒姿結霜標陰泉澹雲孔橫攬空濛
表不知煙靄重拂石憇古苔撫松託修竦江色在衣帶寒

濤坐來湧

師子巖

崇巖吐青冥光響限林谷棲神蹟未化踐幽境轉肅緣流
亂木區遵石入雲族忽與煙霧并稍知日月伏目恬天嶺
交心霽風霄穆江海有端倪乾坤不盈掬翛然叩虛抱松
風媚幽獨

合掌峯

奇峯闕天經合沓神化積密石涓細流陰蕩虛壁息心
響空音萬象俱踐夕流景媚林姿歸禽度雲隙平挹遙海
蒼俯瞰雙湖白空水倒羣峯恍惚天地易洪幽撰耳目眺
聽理勿隔永觀元化初於焉振霄翮

越西行

越西之疆古姑蔑南走滇黔右兩浙萬山迴合抱孤城一
道金溪沸奔雪狂氛一夜吹黑雲閩關以北無堅屯國家
承平三十載卒見烽火皆崩奔彈丸小邑千巖底踣之直
用鞞尖耳城存與存亡與亡不死猶圖報天子奔走風塵
萬嶺間鬻指血濺蟠桃山浮圖一矢賀蘭志誓不與賊生
同天仰天叩心天鑒此收城豈雪生民恥百里提封謝主
恩孤臣待罪甘心矣十年長吏愧蒼黎亂後還驚有子遺
君不見月波亭上清秋魄依舊含情照越西

竹西亭

歌吹揚州路西亭舊足誇香風散羅綺夜月寫琵琶畫鷁
停深柳春城覆落花追思全盛日腸斷玉鉤斜

毘陵道中

挂席當春杪，毘陵古岸舟。
柳攀江雨細，亭沒戍雲浮。
歲禮花空發，城荒麥未秋。
東南財賦地，誰慰一人憂。

吳門道院彌羅閣

飛閣層霄迥，獨攀凌虛憑。
眺俯人寰金鋪晝，暝棲雲霧碧。
落風輕禮珮，環檻外天低。
吳苑樹窗中人倚，洞庭山花洲。
錦纜知何處，千里毘陵一夜還。

鄭日奎字次公號靜庵貴溪人順治己亥進士改庶吉
士歷官禮部郎中有蓉浦別集

小隱巖

竟日窮搜討，幽意猶未足。
更過小隱巖，隨步姿清曠。
兩壁勢相拒，一徑往如復。
石跨澗爲梁，僧緣崖作屋。
簷飛四時溜，窗倚千竿竹。
山花不辨名，溪草隨意綠。
風煙接混茫，聲

光相爲觸主人意殊快張讌巖之曲高歌翻宿鳥清吹振
林木促席盡綢繆開襟謝拘束安知高峯外夕陽下平陸

一綫

登高復臨深所欲盡奇態側身蒼翠中試足魚龍背兩峯
勢欲合萬象全幽昧僅透一綫光頓失天地大日月無多
照歎忽異明晦縱橫羅怪石躑躅有餘礙淙淙半空溜直
下曳潛瀨溼雲凝不流烏聲雲內外靜覺雷雨蓄幽疑鬼
神會因想開劈初五丁力稍懈一罅不及補千古詫奇怪
坐嘯窈冥中無言但稱快異境豈恆遇茲游矢以再長揖
告山靈呵護請相待

游嵩山寺

十里溪聲五里山數椽梵刹萬松間老僧掃地不爲客待

有白雲時往還

曹鼎望字冠五號澹齋豐潤人順治己亥進士改庶吉

士授刑部主事歷官鳳翔知府有楚游新安等集

詩話冠五善造墨所製有琉璃光掌珠書畫
天保九如諸款居官所至有聲詩近晚唐

石照山

曉出玉郭門渡溪復越嶺茂樹欲參天盛夏翻清冷幽壑
隱禪關隔斷塵千頃側見古亭邊石照傳奇景翠峯危以
特壁光闔而炳詎止鑑鬚眉羅列山河影惟空故生明惟
靜乃能永昏昏行役者胡不發深省

小塔寺

楚天黃葉暮禪院白雲封徑僻宜乘輿亭留爲勸農亂篔
迷小塔斜石倚孤松久坐從僧話林端送晚鐘

漢口別舍弟

汝從燕馬去我向楚州來歸夢隨江水離愁入酒杯暫分
鴻雁序先到鳳凰臺有約遲冬杪齋頭看臘梅

江月

雪盡羣峯出江空一月浮清光流不去偏照異鄉愁

黃州雨泊

濤湧千層雪江飛萬縷煙雨餘山欲暗赤壁夜停船

姚文燮字經三號夔湖桐城人順治己亥進士由推官
歷官開化同知有夔湖詩選詠園詩集

阿迷州

磴曲盤難盡邊州著阿迷一丸天罅小連竿瀑痕低客榻
依琴室齋鐘徹鶴棲松滋舊圖畫感觸故山蹊

李伸字佚高邑人順治己亥進士官永甯知縣

千秋臺

千秋事業祖孫同小邑還堪歌大風趙北山河終不改洛陽城關已成空映臺芳草萋萋碧隔樹明霞雪書紅無限游人增感慨一杯爲酌夕陽中

并在字存士文安人順治己亥進士官興縣知縣有鐵

潭集籠蟬集

詩話存士決獄請疑案務寬緩人以爲名言宰永安禽大猾李唐宗亦能用猛詩平淡有致

擬陶飲酒

棲遲衡與泌家無擔石儲種秫理酒牀相對數卷書興至過白石揮觴訊太虛啟期何自寬莊周終籟籟吾樂自有真八達何足譽

荒宅慚楊子而有架上書遺悲念手澤世盛感皇初我憂
何以解獨酌情亦舒豈不思共適醉醒殊乃疏所以楚靈
均蕭然賦卜居

灞上輕薄行

風急長安道日暮長安行紛紛灞塵向人衣上生促輪
亂馬蹄鞭影控懸旌豈無素相識有蓋莫我傾相逢游俠
兒足捷身致榮去去不相顧誰憐羈旅情

王鉞字仲威號任庵諸城人順治己亥進士官西甯知
縣有世德堂集

送洪區邱先生教諭長清

白髮焉能逐隊行一官獨冷稱長清遺民自識康成草博
士家傳伏氏經瘦馬骨高疲遠道古槐根出枕荒城應憐

到日多幽賞松桂高風首藉羹

嶺南秋色

秋來不復見黃葉但見野雲漠漠生花氣中人如二月鳥
聲依樹欲三更新禾瘴發微寒起廣莫風輕潦水平若向
山城高處望羈人何事不關情

馬驥字宛斯號聰御鄒平人順治己亥進士官靈璧知

縣

詩話宛斯少孤穎敏強記尤有左傳癖撰事緯數萬
言又取太古迄秦合經史諸子鈎括裁纂撰釋史數
十萬言除淮安推官改知靈璧有
惠政卒於官民爲制服奉祀名宦

池上作

板橋南去溼煙空春水平池宛鏡中新柳深含何限綠小
桃斜坼一枝紅種魚有術尋漁父斷酒無心學醉翁鷗鷺

閒情湖海興年來宦迹付征蓬

李如芬字仲淵號澹菴高陽人順治己亥進士官鄧都

知縣有行素堂詩集

詩話澹菴令鄧都值吳三桂反不受僞職羈之三年乘間脫歸抵荆門叩軍門述賊可滅狀且爲畫策制府以聞朝廷嘉之復原官其集

纂入四庫書存目今不多見也

秋日過衡陽與王文振登大觀樓言別
依依不忍道攜手上高樓北極燕雲遠西山落日愁蟬鳴
楓葉冷猿嘯大江秋楚地知音少因君且繫舟

秋日自遣

寥落江城暮秋風處處同一官三峽外數口萬山中貧賤
差時輩飄零任轉蓬故園歸未得目斷信陵東

高恆懋字勵昌號乾甫靜海人順治己亥進士官奉天

教授

同友人過華藏庵

長夏蕭疏倦倚樓，相將蘭若慰沈浮。
午鐘敲醒十年夢，溪水殘流半世愁。
塔影斜侵竹院冷，茶煙不斷白雲流。
徘徊竟日風塵外，話到無生意未休。

彭鵬字奮斯號無山莆田人順治庚子舉人由知縣官

至廣東巡撫有古愚心言

詩話無山少刻苦勵率耿精忠亂時堅卧三年不汗
僞命亂定始起撰干曰大夢圖記以述其事起家三
河令即著廉名薦陟諫垣侃侃敢言游羅
至開府清介絕特與陳北溟施文賢相踰
日哭三君子行
福州守王之儀建甯同知
俞三畏侯官令劉嘉猷

嗟乎天地黯淡白日曠為鴟為鼠何反覆三月有客過江
言月望榕城人集木出者仰天皆屏息入者和塵保走肉

傳聞男子得三人伏屍流血恥臣僕泣曰三人者爲誰客云以耳不以目將疑將信聽客云遲之七日果來復督臣不撓被幽囚生死存亡握粟卜屈指三山王邦伯罵賊唯陽身爲戮碧水丹山司馬公含笑就刃無聲蹙忠烈同時孰後先剛鋒交下血噴漉上有猛獸正負嶠下有豺狼心久蓄張牙開齒獍人前耽耽視之欲逐逐堂堂儘見七尺軀下風稽顙惟俯伏懸河談天舌槁然肝膽冰寒形神鍊三公浩氣歸山河殺身成仁彼所獨如是我聞閉紫桑虛空掩口吞聲哭吁嗟乎此彼有屋菽菽方有穀哀今之人誰非食君祿

從征行

大東小東空杼柚征徭不辨其盈縮自從排戶應兵興官

差打門暮與夙少婦露面嗚咽陳妾家良人無伯叔昨夜
行役點數千良人在內尙枵腹計程此去十二時隻身何
能兩馳逐婦陳官差亦咆哮西鄰老嫗聞之哭我翁六十
昨同去兒家重派翁必復東西兩婦聲慘惻老者氣乏少
者伏兩婦幾幾欲斷絕官差暫舍過北屋中有跛者不能
行繫之維之大輦蹙跛者含淚向婦泣莫怨官差苦自鞠
廢疾似我出僱錢誰云跛受手足福婦向跛者微歛吁太
平盍日向天祝今茲一一重申飭不奉羽書毋給副匪不
念彼征夫苦祁寒暑雨赴殺戮奈此役夫無休息遺黎久
難支鞭扑誰將此示懷好音趨趨漸次尋邦族百爾君子
惟所司努力奉行體並育但願清宴無煩苦職思其居車
脫輻

成克大字子來大名人順治庚子舉人歷官鎮遠知府

有歷游詩

詩話子來官戶部值創設粵海關受命監督有能聲
讀望洋臺一詩可見其旨守鎮遠以性剛不合於時
歸以著作自娛書法顏真卿詩有真氣王原序謂寄
情山水蕭灑淋漓瀉其胸次空澗有雲海蕩瀾之狀五

律尤嗣
響唐音

望洋臺

峻嶺有高臺突兀南溟岸長風萬里來天際帆影亂極目
荒徼外一氣疑未判蛟室邈難卽蜃樓聚復散天吳時出
沒驪龍珠光燦四海無揚波重譯來浩瀚百貨走如鷺有
無相易換漚賈罔市利此地立龍斷攘奪費寶開掩襲肆
狡悍橫山起軍壘張威護里閤外禦異己者會使諸彝慚
我來一登臨狙獪信難捍嗟彼番鬼謀賈遷操勝算但恐

姿驕縱與世成冰炭濫觴不在多積微固有漸勿令登臺
人徒作望洋歎

仲冬赴邊

嶺外朔風起颯颯吹我裳仰天見浮雲將無來故鄉故鄉
隔萬里北雁無南翔鄉書阻逾時竚立心徬徨久客復行
役雲水渺相望前路何須問風波感慨長

炎方霜雪少海氣夜寒生飄搖舟一葉游子衣裳輕飢渴
莫我問骨肉萬里情洽洽晚潮水淒清欸乃聲獨憐宵征
客憔悴百愁并顧影無儔匹仰盼悲參橫

過南贛

雙江清見底還繞古虔州水勢奔灘險風煙接瘴愁菜花
開野岸梅片落汀洲歲暮嗟行役征帆去不留

海幢寺送客登眺感懷

萬里浮槎至，憑高望越臺。潮平梅雨歇，天濶島雲來。霸氣餘殘壘，王宮盡劫灰。無邊惆悵意，送客酒盈杯。

鄭茂字子勉，又字紫沔，永年人。順治庚子舉人。官武平知縣。有竹邊樓詩草。

都門霜降日作

風雨連朝動客愁，笳聲嗚咽滿邊樓。捲簾何事看新月，一夜霜寒木葉秋。

支隆求字武侯，嘉善人。順治庚子舉人。官沂水知縣。有泊庵集。

柳洲亭

陡覺紅埃隔市闌，青羅如帶柳絲環。園亭自占晴雲外，鐘

磬遙聞斜照間頓醒塵心返初地難拋積習愛名山同羣
鷗鷺由來慣消受春風一日閒

孔貞瑄字璧六號聊園曲阜人順治庚子舉人官大姚
知縣有聊園集

渡荆江

欲渡燒雞浦輕舟凌曉開波從白帝下人自夜郎回兩岸
浮煙動中流急雨來江陵形勝古殘壘近城隈

王士禎字淑子淄川人順治庚子舉人官成山衛教授
有偶然草

詩話王文簡名同 泰陵諱追易爲正乾隆間諺改
爲禎不知同時自有淑子淑子篤行謹嘗拒奔婦讓
產於兄鄉里
稱善人焉

虛上人從淄邑來膠歡然道故上人住青雲寺乃余

昔年讀書處也

連雨膠河漲新晴路始開書憑雙鯉至秋帶一僧來煮茗
煙迷竹談經月上臺不堪追往事山徑鎖荒苔

董俞字蒼水華亭人順治庚子舉人有浮湘度嶺諸集

詩話蒼水少與兄闕石並有才名坐述賦
除名詩涵澹澹雅宋荔裳汪鈍翁皆稱之

和王南州聽楊太常彈琴詩

莫謂鍾期少相逢故太常窮途俱落魄夙昔奉君王調入
巴雲遠音同淮水長雍門千古恨傾耳淚霑裳

雅樂淪江海先皇舊賜琴曲終嘗變徵愁絕不關音風雨
孤臣淚乾坤逐客心可憐家萬里西望白雲深

崔華字不雕太倉人順治庚子舉人有櫻桃軒集

詩話不雕爲漁洋分校江南所得士以黃葉聲多酒
不辭句得名人目爲崔黃葉漁洋又舉其一寺干松

內飛泉屋上行歌檣坐清晝薄冷出蘋間溪水碧於前渡日桃花紅似去年時語皆清異出塵兼工畫
澗壑舟中別相送諸子

溶溶月色漾河湄曉起頻將玉笛吹同上郵亭忘別緒獨
行驛岸解相思丹楓江冷人初去黃葉聲多酒不辭此路
三千今日始薊門回首雪霜時

江上

蕭瑟滿江上一雁蘋際飛水氣雜漁煙微茫入清輝淡懷
如高秋生業在釣磯大魚餌不受貪餌魚不肥斷絲棄中
流石上散髮晞

過江州有感

但得絕流去此行非我身有軍揮白羽無令不朱輪坐失
邯鄲策空嗟洸水人故園花已落惆悵老風塵

題嚴陵釣臺

功名莫後人雲臺已嬾娟生不能封侯何當故人憐
昔年吳市門辛苦南昌尉應爲婦翁留七里光炯翠
水習荆南公步習大司馬此時煙濛濛羊裘卧月下
影落臺千尺光連水一隅我來亦愛此不獨是狂奴
馬騰龍字卧仙文水人順治庚子武舉有隱泉集

思親

飲淚思慈母晨昏托老妻孤身萬里客異地五更雞瘴癘
侵人骨江山老馬蹄山城城外柳一望一淒迷

張玉書字素存丹徒人順治辛丑進士改庶吉士授編

修官至文華殿大學士諡文貞

詩話文貞早以制義名人推爲曲江風度遺集高文
典册多闕掌故和平寬博允爲盛世元音詩不載集

中僅見者吉光片羽歸愚稱其詩品亦與
文同以風度勝讀者如飲醇醪洵篤論也

謁項王廟

項王祠枕長江水拔山氣沸驚濤起陰森白晝啼鼙颯蕭
瑟西風黯菰米座傍烏騅伏不鳴餘怒猶欲乘雲騰想像
悲歌出垓下可憐遺恨迷陰陵英雄坎壈識天意失路東
歸亦何濟萬戶輕身贈故人一死何顏見義帝往事東流
逝不回雌雄壁壘空塵埃君不見下相城頭望豐沛樵歌
暮止歌風臺

息浪庵夜坐別叔敦讓木諸子

短棹攜樽觸浪過將離莫問夜如何最憐帆遠浮天闊始
信江空得月多隱隱鐘聲千佛唱星星岸火一漁蓑荒雞
促曙行人去回首雙峯護薜蘿

大閱恭紀

鑾輿曉出傳宮漏萬乘春蒐控玉鞭十二羽林雕輦後三
千犀甲幔城前招搖色映長隄直華蓋香凝禁樹妍脫臂
飢鷹霜距疾嘶風鼓騎雪花拳龍鱗乍晃雲霄上虎旅同
趨日月邊褒鄂宗臣張左纛辭岐帝胄領中權銜枚受律
連營肅射柳分弓七札穿威築聲中看隊列鐃歌曲裏促
觴傳丁甯諸將投戈日長憶

先皇講武年駟介踏雲還紫禁六飛扶日下青天威馳寒
北名王壘風靖滇南漲海煙指顧銷兵資廟略兩階舞罷
譜虞弦

送邱曙戒前輩之武昌

猿聲夾岸聽斜陽江樹蒼茫接故鄉卻較長沙歸路近行

吟何事怨瀟湘

輓馬章民年丈

辛苦中閨罷錦機
白頭曾未識官衣
可憐風雨寒燈夢
猶是書堂夜讀歸

李仙根字子靜遂甯人順治辛丑一甲二名進士授編

修官至戶部侍郎

詩話康熙初安南攻高平高平莫元清走雲南邊界
事聞子靜以祕書院侍讀加一品服使安南薦書致
詰責安南君臣帖服著安南
使事紀要述奉使本末致詳

季秋王公武約游上方山

二十年前望落霞
如今重到似還家
半山紅日迎人出
一徑清煙傍馬斜
鴉勢遠盤孤塔影
漁歌長應轉帆擗
偶然興會因同調
欲覓幽閒更覺奢

申涵盼字隨叔號定舫永年人順治辛丑進士改庶吉

士授檢討有史籟定舫詩草

詩話定舫早歲從其兄臆盟學詩臆稱詩河朔間所與游者皆一時名士定舫與之追逐殷伯巖劉津逮等皆視爲畏友宋玉叔謂其樂府言遠而旨該論嚴而語雋不獨音節之妙

雲臺畫

雲臺畫黜椒房椒房庸何傷君不見麒麟閣上將軍光

銅雀臺

銅雀臺分香履一代雄風長已矣臺上月明臺下流水

佛骨表

欲佞佛及於骨然頂焚指意在獲福謂可不死邪佛如不死那得骨

雜興

青青嶺上柏移植廊廟間但能守清操所至皆深山疏水
聊足樂逢迎恥厚顏閉門而卻掃坐卧有餘閒何爲長戚
戚徒使鬢毛斑

公卿稅文藻名士貢航梯遼東誇白豕楚人來山雞欲貴
洛陽紙先災大谷梨獵者道交錯馨唾比虹霓誰作指南
車破此歧路迷土人先德行淘金黜沙泥

夜宿劉將軍圍亭

建纛江東久將軍喜論文門庭無檠戟池榭有煙雲曲折
堪修禊風流已冠軍我來方夏日涼月夜續紛
仗劍從戎去堂留綠野虛園丁晨掃徑奴子夜烹魚灞上
誰開壘西湖正跨驢清時無戰伐衛霍有閒居

黃金臺

昭王擁篲已塵埃，碣石宮前盡草萊。
伏櫪有心防虎視，按圖何地索龍媒。
空聞易水千金價，早見咸陽萬騎來。
滿目霜笳悲馬角，黃雲落日照荒臺。

黃竹子歌

江邊黃竹子，風雨夜悲鳴。
不堪截作笛，亦有斷腸聲。

孫蕙字樹百，號泰巖。又號笠山，淄川人。順治辛丑進士。

由知縣歷官戶科給事中，有笠山詩選。

詩話笠山初官縣，令有異政，入臺亦有直聲。詩沿明七子聲律而出，以隱秀安諧流美蔚然成家。漁洋稱其七律中河聲入洛三門合岳色來秦萬里明島藏諸國晴時見風捲洪濤靜夜聞黃菊，候中無雁到絳榕林外有鶯啼古作者無以過也。

登千佛山絕頂

淅淅天風響雁羣，移尊飛閣未全曛。
僧參破寺疑馴鳥，人

到空山似懶雲晴壑日懸初地靜平林風定午鐘分思從
慧業諸緣減碧乳香寒石窟聞

舟泊廣陵

橫塘草碧竹煙涼樹帶風烏繞蜀岡二十四橋何處問廣
陵城下月如霜

登燕子磯

鐵鎖沉江王氣收蕭騷風色暗江樓丹楓遠岸戎戎市綠
浦寒煙點點鷗秋好金陵桃葉渡風迴玉笛木蘭舟名山
輪卻空王子梵剎依然枕碧流

舟出瓜洲

一棹晚江靜欲就人煙泊鳥邊日微茫眉際金焦落初地
動疏鐘客心方寂寞沙磧長潮痕竹樹攢江閣放眼揚子

此耳身言區身三十一
橋已轉瓜洲郭安得故人來孤蓬共斟酌

金山

水國琳宮蜃氣昏雲開金碧射朝曦一圍樹色高連塔四面江聲湧入門郭璞墓前增戰壘中冷泉上沒潮痕憑臨不敢舒長嘯恐有蛟龍卧石根

送友人北歸

長淮二月風氣和濛濛花霧清明過南浦春漲送君去共醉當筵金叵羅黃河奔激天吳蹙白浪如山駭心目岷嶓山頭落照紅輕裘解向河干宿野水添杯酒不醇欲留欲去意遠巡桑柘陰陰啼布穀柴門稚子待歸人

虎邱讌集分得微字

偶攜蠟屐來吳會海湧峯頭看落暉人去故山秋漸老客

逢新月雁初飛當筵洞壑留今古過眼雲煙任是非良夜
坐深金粟影天香都上酒人衣

于忠肅公祠

出狩天王竟北征烽煙已逼鳳凰城有君定國真長策奇
貨難居始罷兵南內邀功爭復辟西曹枉殺患無名最憐
一事公遺恨不使前星羽翼成

坐靈隱冷泉亭得響字

侵曉縱清眺爽氣生林莽脫葉映初陽宿露滴餘響幽討
策短筇巖壑恣下上靈隱瞰湖光泠然愜心賞蘋香散汀
沙鷗汎隨蘭槳蕭蕭楓樹林色奪明霞朗支公快同游元
言共俯仰人生激電流能著屐幾兩巖棲養性靈銜杯動
遐想何時賦遂初結屋東西瀆

蘭谿道中

輕舟搖桂楫細雨過蘭谿
遠寺山支閣層田水疊梯
林稀松鼠見煙暗竹雞啼
難倩河陽畫吟詩落日低

登八詠樓

翠屏迴合萬峯收
婺野星分古縉州
官解閒雲遺碣在人
琴往迹大江流
西堂春草年年合
南浦飛鴻字字秋
苦憶東陽清太守
苔陰滿地客登樓

聞鼓山絕頂可望海外諸國欲登不果

共說鼓山高出羣
半天嵐翠畫氤氳
島藏諸國晴時見
風捲洪濤靜夜聞
未得肩輿隨度鳥
何時蠟屐踏層雲
晦翁亭子空相憶
絕頂松篁望不分

靈寶女郎祠

縹緲仙樓似玉京，蒼茫獨眺旅人情。
河聲入洛三門合，嶽色來秦萬里明。
望氣臺空芳草暮，度關人去夕陽橫。
孤心別寄登臨外，徙倚愁聞二月鶯。

太華絕句

絕頂青冥露掌開，仙人風跡隱樓臺。
雲間忽敞中原色，俯看黃河一線來。

秦川懷古

內史新豐不可求，長陵王氣已全收。
千盤鳥道歸隆準，百戰鴻溝割沐猴。
風雨滿天來渭北，麒麟遺塚自南邱。
幾經汗馬勞諸將，紫塞黃榆起暮愁。

爲姜勉中兄弟題諫草樓

杖血曾聞濺漢廷，孤忠旅望海雲青。
難回國步逃吳市，易

了家緣問敬亭失序雁鴻天漠漠經時薇蕨雨冥冥空餘
十二封章在夢繞銅駝幾涕零

滄海橫流付急湍當年一柱砥狂瀾顧天抗疏楓宸遠斫
地高歌宛水寒長憶主恩留北寺當誅臣罪戀南冠不辭
黨錮人千古遼鶴歸來尙故官

馬世俊字章民亦字甸臣溧陽人順治辛丑一甲一名

進士授修撰遷侍讀有匡庵詩集

詩話章民工書畫有二石之目謂右軍右丞也其先
世竹湖孟河兩先生皆以名元起家至章民而落拓
殊甚嘗以行卷謁龔芝麓司寇司寇讀至而謂賢者
爲之乎題文後比數亡主於馬齒之前遇興王於牛
口之下云云司寇曰李嶠真才子也歲暮贈炭金入
百兩明年廷試對策侃侃直陳不負所學遂得大魁
以困躓場屋垂三十年

故詩多侘傺不平之氣
大坏山

遠影平如蓋孤峯澹若雲松楸遲日照蘆葦帶風聞翠澱
一湖抱青光三郡分忘機余已久鷗鳥自成羣

九日卽事

曉檐爽氣報初晴雲意徐收到樹輕落葉裁詩秋蝶化短
籬曳杖午雞鳴一峯入戶青光好萬里登臺白髮生眼底
紛紜休再問滿天鴻雁不同程

坐駱氏水天一色樓

翠色空濛隔岸來高樓如畫面湖開此生未得餘杭郡今
日相期河朔杯天遠亭虛誰放鶴山寒節近好尋梅義烏
才子多流落詞賦鄉關起暮哀

閏三月二十八日午門應制賜宴及燭

右掖趨朝瑞靄濃千門望蹕立從容煙光次第籠臺柳漏

點依稀帶曉鐘曝背豈知丹陛峻溫綸不待紫泥封大官
送飯初承詔銀燭還聞下九重

羅人琮字宗玉桃源人順治辛丑進士歷官四川道監
察御史有紫蘿山人集

雜詠

平生作計許吾曹肯向千秋覓賸膏覺悟偏生標一指神
明固勝畫三豪全天自合同樗櫟與世何當學桔槔聞卻
此身休運甓姑從痛飲快持螯

邵延齡字大年號靜山平湖人順治辛亥進士由內閣

中書歷官邢部郎中有耐軒集

詩話靜山嘗出佐靖逆侯張勇戎幕多所贊畫旋視
學江右受代卽告歸詩宗宛陵山谷以質實樸厚爲
尚

送沈融谷之任來賓

茶星大雅士試縣得來賓
來賓劇遠道象郡開自秦
炎方殊氣候服食慎風塵
故舊紛相慰猺獞皆吾民
方今朔南暨頑梗良以馴
君也勤撫字禮讓風俗醇
所負平生志盤根才獨伸
揮手勿復道登車忘苦辛

存詩稿用宛陵韻

詩不可輕作此論疑亦偏
不求文字名何必責備全
禽蟲有鳴竅而人胡不然
喜怒一寫之何物更存焉
君子貴厲意任情長短篇
不必笑梨棗士無輕棄捐
嗟哉文章伯刻苦窮歲年
縱有山水趣仍爲居食牽
自命頗不小李杜相後先
詆毀中晚季曾不及宋賢
我所閤筆者名山與大川

次張耳黃元日韻

拂拂春風到鬢邊
星星偏不讓人先
連朝客思濃於酒
十尺閒齋小似船
是處名流吟節序
誰家老嫗解詩篇
勸君且袖襴衡刺
薄醉疏狂得少年

李時震字恂庵江南山陽人順治辛丑進士官內閣中書有去來吟詩集

王家營別諸同人

脂車春曉別園林
握手依依思不禁
千里關山今夜月
一時樽酒故人心
緣堤柳浪催行色
繞樹鶯簧弄好音
尺素自然頻見寄
臨歧那復更沉吟

連佳樞字克昌南宮人順治辛丑進士官內閣中書有

損齋詩草

詩話克昌博通羣籍詩吐屬新雋嘗
學詩於鉅鹿楊猶龍可謂青出於藍

築牆謠

高築牆牆高不可越登登杆聲莫教絕官司念汝汝自竭
不見東村鞭撻流血

縣吏下馬揮鞭戟手虎咆雷殷兒啼婦走老翁指牆噤若
無口土在身木在首

牆下有壕壕深及水水潺潺壕無址風雨忽來牆入壕底
風耶雨耶戕我生者汝耶

飲丁若思榆枋館

負郭人家少結廬叢樹中巖深能障月洞小自留風曲徑
竹陰密長廊花氣通選茵聊共坐是處有殘紅
君自多幽興能留看竹人簷花催進酒池水待垂綸稍話
間中事真疑世外身柴扉須靜掩此外卽風塵

此徑不常掃今來門始開多君儲綠醕許我破蒼苔寄興
花邊句留歡池上杯還期待良夜看月一登臺

石牀環坐穩微雨況初過盤摘新蔬早衣沾落絮多看基
移日影把酒度鶯歌欲結求羊侶還來就薜蘿

張衡字友石又字義文號晴峯景州人順治辛丑進士
歷官陝西榆林道有聽雲閣集

龍潭村

不識煙塵地猶藏太古村蒼松迷谷口怪石繡雲根巖複
人居匿坡回犢牧暄柴門堪小憇轉盼失桃源

塞下曲

羽書忽動塞垣開十萬軍儲括地來聞說屠耆歸命早凱
聲已過赫連臺

悠悠羌管動邊愁二月冰寒水不流
回首家園春色斷有人掩淚獨登樓

聞笛

塞鴻初動塞雲收阿濫堆中喚客愁
記得吳江歸棹晚蘆花風外一聲秋

牛樞字伯衡號雙溪元氏人順治辛丑進士
歷官嘉興知府有滇游草

平溪道中漫興

不是函關界胡爲紫氣翔嵐氛迷曉色
林影障晴光雨灑征衣薄風迴驛路長
分明煙火處隔水正徬徨

孫鉢字古喞號微庵嘉善人順治辛丑進士
官湖州通

判有芷庵集

詩話國初傳臚不與館選者順治丁亥金壇于明寶
己丑鄞范光文壬辰華亭李愨康熙甲辰海甯沈珩
庚戌丹徒何金蘭與徵庵而六徵庵多髯燕洋
稱爲孫髯贈以詩曰孫郎還無媚真有紫髯風

丙寅正月四日集陳園公鍛園偕王山長賦

嶺海多炎威終冬百卉滋榮瘁固常理而乃獨迷離良無
冰與雪安得不紛披春寒忽以肅凜烈沁心脾天道渺難
信執義守襟期良夜欣讌賞高會獨忘疲智愚豈有術茲
理察如絲小人玩細娛君子懷明夷立德不在小慎此白
日馳寒暄迭四序悟者僅盈卮素心誠有託永懷商山芝
高山不可尋轉側如輪輞本無嬰物心所期在幽獨開軒
肅賓侶獻酌浮蟻綠飲醇乃適志不必杯行促庭樹發鮮
花結根挺巖谷古幹鬱且蟠振采異繁縟大抵天地間杜
機成芳淑紛紛各自媚貴文而賤樸良無金石固見恥鴻

與鵲古來肥遯者畏壘高卜築眷我同心友亮節各如竹
修竹蔭華池清陰接雲表不與凡卉爭經霜獨矯矯伶倫
識其音宮爲黃鐘肇德暉千仞下結實等瑤草數斛充曰
杵安用游三島彼美此中居其顏姣以好道廣無雜賓庭
軌何須掃落葉煮清泉典籍恣搜討驅車一再過湛然樂
深省相視各忘言命酒不知曉諒無詭隨趨遑計拙與巧

送陸季冲之任鬱林

驂騑燥電本空羣嶺外梅花正俟君地近蒼梧常帶雨天
連勾漏半飛雲莫辭椰酒蠻中異更有蘆笙馬上聞此去
不須愁薄宦故人還是沈休文

送王懷人歸漢陽寄張素先孟天友

芳郊碧草正萋萋落日河梁手重攜詞客高吟青雀舫楚

人齊唱白銅鞮城邊樹色連樊口江上花明滿大隄十載
故交零落盡因君爲訪鹿門西

蘇楫汝字用濟新會人順治辛丑進士官內閣中書有
梅岡集

次韻高蕩蕩宿煮石園

山館非無暑閒心到處秋聞君與孤鶴卧對古松邱輕陰
移涼坐巖城得野游崖邊月初白定上石西樓

壽林秋浦先生

碩果風流在薜蘿主持文藻逸情多時違不損龍高卧道
大何勞鳳作歌舊學人爭推伏勝一經吾尙及田何華堂
絲管揚亭月豈獨候芭載酒過

葉映榴字炳霞號蒼巖上海人順治辛丑進士改庶吉

士降國子博士歷官湖廣參議道署布政使殉夏逢
龍難贈工部侍郎諡忠節

庚申夏至日起武威至張掖

武帝功成吏守邊傷心天末是居延人家板屋風聲裏思
婦寒衣淚眼前目斷燕支愁見月槎浮銀漢渡經年慚余
不作征西將藥裏書囊信一鞭

林堯英字蜚伯莆田人順治辛丑進士由兵馬司指揮
歷官河南提學道僉事有澹亭詩略

初夏憶木蘭舊游

還望梅峯半茅齋起寂寥徑通巖頂石樓瞰海門潮蟬嘒
風中竹蠅行雨後蕉澄心點周易滴露在林椒

石室峯頭坐巉巖直接空雲遮江樹白日射海波紅松鼠

盤藤蔓莎雞隱竹叢長懷觀蜃市樓閣散柔風

魏裔訥字觀周一字辯若號蘧庵柏鄉人順治辛丑進

士官江南桃源知縣有逸休居詩

丙午春日同柴巨公游龍門

蹇裳躡石磴緩步入高雲晉國千峯斷秦川一嶺分行人

冰上渡濁浪樹邊聞杯酒攜良友相看日欲曛

石佛寺

梵宇開何代鐘聲峭壁間高楹基趁石古佛像因山萍水

攀僧話煙雲盪客顏殘碑經歲月風雨欲成斑

過金陵

雞鳴山外大江流迢遞孤城暮靄浮六代遺宮餘亂草千

年王氣委荒邱青谿花落春將老翠柳鶯啼麥欲秋往事

不須頻悵望銅駝自古恨難收

王維坤字幼輿號鵝知長垣人順治辛丑進士官梓潼

知縣有漸細齋集

詩話幼輿令梓潼越四年引退未歸值滇黔亂起蜀
陷於賊乃率妻子竄伏山谷間轉徙播州蠻岩中與
莫花雜處亂平始歸里隱邑西青岡自稱青岡農父
生平嗜書尤愛山水故游之日居十之六所歷山川
風土皆紀以詩申息盟稱其近體多雋語曠致磊
珂自得歌行長篇縱橫頓挫莽莽然如萬夫敵

舍弟晚至昭署

破壁坐螢火空堂鳴馬蹄涼乘文水上遠自劍門西辛苦
憐吾弟飢寒愧老妻何期今夜酒同醉玉繩低

清明書感

稠桑密蔓翠遙遙獨坐空堂對沘寥風雨愁連小寒食鄉
關淚濺閨花朝萬山重複皆遮眼五斗淒涼尙折腰手種

長鄉山畔柳爲誰攀盡最長條

登大伾同孫右漢

欲識山容十載餘東風杖履任徐徐下方鐘磬前朝寺絕
壁龍蛇何代書馬鬣已平襄敏墓鶯聲空弔次梗居憑高
看足春光好誰向峯頭結草廬

中秋闌中陪家貽上鄭次公兩主考公讌

貢院卽舊蜀宮

峨嵋天際月華涼同上南樓望帝鄉東壁雲霞新翰墨西
風禾黍舊宮牆魚鳧乍闕憐三戶駿骨難求負九方惟有
百花潭尙在共攜杯酒問滄浪

河漢遙連鳳闕邊使星久已見雙縣何期作賦來王粲更
向傳經識鄭玄駟馬風流餘蔓草卧龍祠廟老啼鵲天涯
難聚西園侶珍重嬋娟一夜圓

寄申三太史隨叔時病假歸里

騎驢供奉午橋東
謝傅聲歌孰與同
爲恐黑頭難早相
且從白社侶生公
干門柳色沙村雨
十里荷香水閣風
豈似蠻荒愁苦吏
感春獨泣亂山中

和答凌玉見送兼懷沈繹堂之作

高士春山長薜蘿
又披疏雨唱驪歌
龍文寶氣來茅屋
馬首風沙指大河
別緒桃花潭尙淺
懷人杖杜賦偏多
相逢爲說君詩好
不數中原舊李何

高之駒字聖游淄川人順治辛丑進士官平越知縣有

含翠堂詩

詩話聖游爲念東侍郎子遠宦黔中值平西之亂崎嶇艱阻故詩多憂生念亂之作

旅困值雪

陳合遙天暮雪飛寒肩孤聳擁鶉衣臣飢欲死當安命寇
亂如麻敢曰歸兄弟鶴鴿貧共急兒孫牛馬老相依北風
吹背蕭蕭冷誰寄梅花到竹扉

李世錫字帝侯號震裳膠州人順治辛丑進士官嘉魚

知縣有綺存集

詩話震裳生有夙慧弱冠卽負文名嘗爲詠物詩十
二章山蘊亟稱之其詠甘草云厯事五朝長樂老未
會獨將漢留侯尤爲傳誦告歸後出游幾徧海內倦
歸築室雲溪南岸自號溪南老衲晚盲於視猶吟詠
輟不

荒園

荒園草木深時復值長夏綠影徧方塘清陰蔽茅舍白日
向西頽返照穿桑柘庭花處處開高低自相亞翠葉與丹
榮明霞互映射中有學佛人身心久休暇手把寒山詩歡

顏坐及夜旣夜若爲眠狂歌莫能罷奇哉寶月輪光明上
柳罇

村居

少壯農忙老者閒了知萬事不相關揖人坐語路旁樹窺
我行吟牆外山薄暮日沉雲兩角詰朝風動月重環繩牀
縱有浮生夢不過田園水竹間

趙培基字二維號鹿賓平鄉人順治辛丑進士官陵水

知縣

遣愁

故國雲山外音書何日來煙深溟海暗風雨夜猿哀人向
百蠻老鴻應五嶺回自憐愁淚眼懶上望鄉臺

旅食隨人飽方言久客通山雲常蔭綠海日早翻紅嵐瘴

村村雨枕榔樹樹風獨憐星月夜遙與故鄉同

秋懷

萬事愆黃髮艱難吾道違海深天更遠林暗鳥還飛避世
甘貧病稱兵有是非初心何日遂閒殺北山薇

唐世徵字魏子一字琴疊湘潭人順治辛丑進士歷官

江西玉山知縣有數峯詩燕游草爲郎小草碧泉詩

鈔

石浦草亭爲劉符九

竹覆渾無徑村迴此有亭岸煙隨暮雨渚草帶春星溜引

畦三畝山移翠一屏徵君自經濟邱壑不求銘

侯元棐字友召號兔園杞縣人順治辛丑進士官德清

知縣有問渡小草

中秋坐月有感

秋月仍如此荒村倍可憐
百年新白髮萬事老青氈
蟋蟀吟何苦蟾蜍影自圓
親情常共酌牢落一燈前

諸嗣郢字乾乙號松槎一號勿庵青浦人順治辛丑進士有九峯山人集溪上吟

詩話乾乙因逋賦被斥後寄崎泉石徧搆園亭點綴名勝每歲三月三日九月九日招集名流爲九峯之遊梅村爲作九峯草堂歌者是也晚航元學無疾而逝與葉訶庵尙書交尤摯忽得其手書寄仙茅三兩云余山靈藥謹以相贈明年訶庵亦卒傳爲異事

春日徐松之以詩見贈次韻奉答并訂山游

春風隨意柳條新採藥攤書寄此身
休怪白雲封不住桃花源是惹漁人

過第九峯懷古

短展高筇破寂寥危樓曲圃望迢遙三春草色埋雙俊一
夜鐘聲換六朝神虎嘯風常習習亂篁翻雨故瀟瀟年來
莫話封侯事流水行雲意盡消

九峯草堂同吳梅村先生夜話

名花美酒共婆娑月落烏啼奈曉何爲遇潯陽舊供奉慙
勤重唱渭城歌

李自郁字文叔松滋人順治辛丑進士

詩話文叔本姓黃僑廬松滋依婦家
以居遂從其姓相傳爲黃忠慈裔云

桃花源

舊夢荒唐說避秦桃花辜負幾千春人間那有仙源路多
事劉郎枉問津

蘇囁字依巖大興人順治辛丑進士有圯上吟

子房山

圯橋進履處洪波沒碑頽留得子房山頽然立榛莽可憐
楚王峯朝昏共俯仰黃石與赤松令人有餘想當年秦皇
鹿得失如反掌况乃韓彭輩身命付羅網今古此浮名誰
能塞天壤悲風起林末謾謾發枯響空瞻博浪墟輪蹄自
來往

得鶴川守崔斗瞻札

劍津離別後廿載各天涯山雨迷歸雁淮雲急逝驂干戈
方過眼髮鬢已成絲萬里傷心事音書到下邳

秋望

關山迢遞夕陽斜衰草離離客路賒野水連天惟渡鳥孤
城隱霧半藏花南來旅雁雲邊笛北去歸鞍塞上笳獨怪

湖濱垂老叟經年寂寞滯天涯

次俞靜庵雜詠

一庭新綠散芳陰猶見殘紅點客襟
枝上流鶯啼不住方知門外已春深

晚晴篳詩匯卷三十一終

晚晴移詩匯卷三十二目錄

費揚古 七首

吳興祚 六首

于成龍 二首

宋犖 二十四首

卞永譽 二首

卞永吉 二首

范承斌 二首

盧震 六首

王遵坦 一首

王樛 四首

龔佳育 一首

張宸 三首

趙而忭 一首

陶之典 四首

林堯光 一首

李經垓 六首

佟鳳彩 三首

丁焯 十首

胡介祉 二首

王鑰 二首

魏裔魯 五首

成光 二首

魏勳一首

周應遇一首

韓則愈二首

許遇一首

丁耀亢五首

孫錫蕃二首

宋之韓二首

劉漢藜一首

舒逢吉一首

彭焱二首

畢際有二首

方畿一首

傅燮詞二首

章漢一首

魏體仁一首

顏伯珩六首

馬之驩三首

呂鼎鉉一首

高翥映一首

晚晴移詩匯卷三十二

徐世昌

費揚古滿洲旗人襲封一等公官至撫遠大將軍領侍

衛內大臣諡襄壯

詩話康熙中噶爾丹屢不靖襄壯以安北將軍馳歸
化防邊逐寇戰績甚多乙亥春聖祖親征授大將
軍出東路合兵深入噶爾丹走死塞北教不以仗鉞
專征之將乃能從容文翰兼下馬露布之才解律赦
勒之歌慶之競病之詠不容專美於前矣

雜詩

晉室尙風流稱最惟嵇阮性僻德無鄰行孤心乃遠犢車
自往還竹林任偃蹇仰首望飛鴻舉足登絕巘放浪天地
間久假而不返無古亦無今誰復驚歲晚

秋日出都門言尋西山道試登最高峯放眼觀浩浩天風

飄塞鴻荒原衰白草日暮起層陰落葉隨風掃煙雲蕩長
空野水枯行潦薊邱古戰場殺氣飛霜早草昧竊英雄妄
意窺大寶千秋幾鬪爭士卒塗肝腦白骨幽黃沙撲面傷
懷抱倚杖獨徘徊漫憶渭濱老百世樹奇功長往終難保
何似赤松游飄然歸絕嶠

陌上草青青隴頭煙靄靄行歌田野間春風拂衣帶野雀
集蓬蒿蛙聲滿溝澮小蝶舞隨人平楚鬱松檜日午聞雞
鳴村婦向田外桑麻四望稠衣食眞足賴

攬衣登高臺悠然舒遠眺林皋木葉飛荒阪淨野燒寒雁
下沙灣落霞明晚照天未起悲風何處哀猿叫脈脈感幽
心我亦發長嘯雲山足徘徊懷古足憑弔今昔幾何年臨
風想同調

和友人山居

晨夕對青山徘徊水石間
風翻花影亂谷靜鳥聲閒
芳草迷人遠孤雲帶鶴還
何年移住此欹枕聽潺湲

夏日

荷浦風環十里香
輕羅團扇約微涼
畫橋別墅雲山外
短笛孤舟返照旁
老樹參天陰漠漠
新泉出地響浪浪
幽人自解羲皇趣
林下何妨午夢長

新秋

西風瑟瑟又驚秋
綠暗園林雨乍收
金井自寒連晚照
玉簫中斷起離愁
江清水落芙蓉岸
夜永香沈翡翠樓
勳業未成空攬鏡
生憎白髮已盈頭

吳興祚字伯成號留村浙江山陰人貢生隸漢軍旗籍

由知縣官至兩廣總督有留村詩藁

詩話留村起家令牧平閩粵功與姚熙之少保相伯仲建節嶺南二十年常與騷人逸士酌酒分韻有輕裘緩帶之風其詩興象灑然唐賢遺韻

舟次潯州

行盡粵東路粵西又一天是山皆瘴霧無樹不蠻煙幻語
聞猿洞歌聲出蜑船遐荒風景異化俗愧前賢

江上有感

雨灑江村暮寒煙下釣磯飢鷺掠水去老牯負雲歸
仍頑梗風謠各是非慨然行古道任與世情違

海口八字山礮臺

並馬登臨際重雲黯未開班師存舊壘遺策問荒臺
因風散濤聲挾雨來籌邊勞指顧端藉出羣才

電白縣觀海

劃然開眼界咫尺辨滄溟日照沙邊赤春生島外青鯨鯢
今不見樓櫓昔曾經海若知王化年年效百靈

和友人韻

荒城落日空干堞堞外秋飛燕影雙幾片殘霞歸暮嶺無
邊黃葉下寒江昔年說劍會無敵此夜論文未肯降興盡
頓忘更漏永風吹涼月照銀缸

重臺

攜將清興陟重臺白社何緣共舉杯殿角微風驅暑去峯
頭斜日剖雲來數株寶樹迎人立幾片曇花向佛開倚徧
石闌尋妙句鐘聲已過碧山隈

于成龍字北溟別號于山永甯人明崇禎己卯副榜入

國朝由知縣官至江南江西總督贈太子太保諡清

端有吟詠書

詩話清端爲一代廉吏之冠德業燦然不以詩重隨筆吟哦時饒天趣固可見其真性焉

赤壁懷古

赤壁臨江渚黃泥鎖暮雲至今傳二賦不復說三分名士
惟諸葛英雄獨使君今朝懷古地把酒對斜曛

乙卯春題書雪堂

竹笋纔生黃犢角蕨芽初放小兒拳試尋野菜和香飯便
是黃州二月天

宋學字牧仲號漫堂別自署縣津山人商邱人由侍衛
授黃州通判官至吏部尙書贈太子少師有西陂類
稿

詩話西岐雍容暇豫其氣和其辭鍊在盛唐雅近王
韋五言尤粹美細讀之使人驟釋矜平知其涵養者
深也子至詩稍有圭稜然
名章秀句不愧名父之子

登廢城

荒城亘數里形勢自森布秋草碧參差閒雲莽回互停車
陟其巔披榛得徐步白日忽西馳乾坤入薄暮行潦接洪
流歸人喧野渡遠村蚤稷收近岸寒鴉聚縱覽感孤懷含
悽倚獨樹往者全盛日茲城稱虎踞城中十萬家歌舞不
知數狂寇來縱橫蹂躪失險固烽火照郊原通衢走狐兔
遺鏃樵夫拾廢堡山僧住回頭市井閒人煙已非故淒涼
二十年小康猶未賦暫此息鼓擊遙天看飛鷺

望龍蟠磯

孤嶼排空起波濤萬頃連蛟龍留窟宅殿閣自江天法鼓

聞山縣神鴉送客船沙頭閒極目斜日起蒼煙

樊口

地接滄江遠波連曲港深人煙環近渚雞犬散疏林水落
魚初出山高日易陰只應同釣叟來往得幽尋
落日荒江畔停橈處處船人閒沽酒地風冷賣魚天遠水
菰蒲接空林橋柚懸坐看新月上長嘯破蒼煙

春夜舟泊蕪湖飲識舟亭

岸幘空江上登臨有廢亭檻邊看夜市杯裏落春星故友
渾彫謝漁歌半杳冥淒其遊子意明發又揚舲

舟泊天門登梁山

水宿苦縈迴維舟步江澗天門劃然開並峙雄千古梁山
巖壑幽突兀若廊廡穿雲一逕遙林薄靄春煦峯腰棠棣

繁欄側朱櫻嫵芬菲表雜花採擷欣儔伍峻嶒殿閣懸飛
梯裊相拄登臨力屢疲嘯傲氣還鼓乘風凌絕嶺浩蕩江
天俯博望咫尺間嵐影晴吞吐題詩憶謫仙斯人邈難覩
日暮愴忘歸漁歌發煙浦

博望山名

喜彭躬菴處士過訪卽席賦贈兼送往江南

千仞金精不可攀荷衣今喜接江關林巒採藥文章老湖
海盟鷗歲月閒暮雨清樽留顛石春風孤櫂過廬山南中
耆舊彫零甚誰與天涯數往還

雨中由磴道上洪光寺

我遊得一奇維此招提徑紆迴十八盤老柏夾危磴霏霏
小雨來蕭晨作輕暝樹色雜煙嵐到眼殊幽勝衣袂霑古
香竚立發清興林隙望山門天風送孤磬

關地自中使規模做朝鮮毘廬繞千佛法像窮諸天旛幢
盡奇麗照耀蒼崖巔胡爲名勝區僧徒散如煙影堂弔山
鬼松鼠竄几筵荒寒不可留亭午風淒然却願階除上遊
蹤破苔錢

春日同湯潛菴介山弟至兒過聖安寺小飲有懷高

念東先生

草色纔青放馬蹄春風隨意過招提梅檀又拜諸天像楊
柳兼尋幾曲堤精舍閒花留對酌空牆醉墨和前題曠懷
不見香山老回首雙林落日低

海上雜詩

畫角傳荒戍征旗指大沽雲沙看不極疆理辨全無茅屋
行彭越天風送海鳧晚潮吹地至想像百靈趨

眞欲窮荒外，追隨節使行。朝朝觀日出，夜夜聽潮生。浩蕩
求僊志，艱難徹土情。何時沙磧裏，提榼餉春耕。

傑閣從前代

山海關
城樓

平看碧海流，千年留碣石。一髮辨登

州，潮送斜陽落。風傳絕塞秋，倚闌聊詠志。俊鶻下荒洲。

登豐臺太乙閣

海濱樓閣上，清居碧瓦金。莖落照餘幔，捲靈風開玉座。鼓
喧春社駐雲車，明禋待舉甘泉祀。宵火曾窺子政書，倚檻
長空數歸鳥。楚詞哀怨憶三閭。

送友人歸蘇門

送子故山去，蘇門尋嘯臺。遺音想鸞鶴，古屋掃莓苔。砌下
百泉沸，臆中千嶂開。飄然欲一往，惆悵離筵杯。

平生懷有道，引領夏峯村。

謂孫鍾元數君

爾去枌榆社，還經薜荔

門清風留夢寐白首課兒孫揮手潞亭畔綠槐晴鳥喧

黃山松石歌寄金仁叔將軍兼索子湘和

黃山松石天下無好事往往繪作圖千巖萬樹不到眼刻
意摹寫徒區區茸城將軍胸次別遠道移取來崎嶇石一
拳耳儼千仞松不滿尺盤兩株盛以巨盎置鈴閣珍比七
尺紅珊瑚今年移鎮向閩海臨行輒贈及老夫鴨觜船載
入解舍賓客咋舌兒童呼吟窩得此良不俗大笑今我官
豈麤南榮相對坐竟日看山讀畫同歡娛石也以松爲毛
髮松亦以石爲肌膚芙蓉一片忽墮地陵巒宛轉秀色殊
擾龍雙幹雙塵尾干霄之勢當前俱晉卿倘見定豪奪柴
桑或撫還驚吁叢桂疎梅助清致何煩命駕窮天都將軍
雅意應有報幾迴欲賦還脚躡今晨鼓興了此債屬和火

急催韓蘇

和子湘春雪後夜坐效韋左司

梅花半將開媚此雪後月空庭耐春寒坐到昏鐘歇池光
明檐楹鶴唳激林樾幽人默相對詩思清到骨

白雲泉

迢迢白雲泉一綫吐巖腹涓淨涵莓苔淒清韻琴筑時有
白頭僧持瓢到幽谷

送汪陸交入都兼寄阮亭尙書

白髮漁洋老風流眾所師好同天下士去和濟南詩霄漢
縣清夢雲山失舊期滄浪倘相問道我泛漣漪

過銀錠橋舊居

鼓樓西接後湖灣銀錠橋橫夕照闌不盡滄波連太液依

然晴翠送遙山舊時院落松槐在僊境笙簧歲月閒白首
鍊師茶話久春風料峭暮鴉還

初至西陂寄長安諸子用東陂松風亭韻

有脚不踏淥波村清境往往縈夢魂今年得請返舊隱煙

水頓洗雙眸昏堂開魚麥宛世外略約近接樂春園御製詩有

當樂故鄉春句敬以名園穿花時見孤鶴舞倚石偶把殘書溫空亭林

月散清影祇疑海上升朝曦孤篁行藥遵野岸扁舟吹笛

歸衡門故人天末幾悵望得句難共儉父言滄浪琴僧澄照

期過我西陂春家釀名熟開芳尊

過北蘭寺

豆棚連曲牖竹徑轉虛堂圖史心無著茶瓜味總長觀泉
嗟面皺踏閣愛山蒼白袷憑欄處松風作意涼

別圃從容過迴岡更有亭沙痕浮日白山色印江青列岫

承餘韻

是地舊有列岫亭

支頤感客星無須催小隊漁唱暮堪聽

下永譽字令之一字仙容漢軍旗人蔭生由通政司知

事官至刑部侍郎有式古堂集

詩話令之富於收藏著書畫彙考六十卷上溯魏晉下迄元明詩文題跋悉載世推賅博詩有古意

雜詩

孤鳥聲啾啾小蟲復唧唧感此心茫然撫膺長太息
我衾與枕徘徊不能寢焚膏耀輝光顧影重自審

遠別離

妾理篋中衣郎買江上舟郎舟尙未發載滿妾心愁
郎舟自西去江水自東流江水流不返江風吹不住
郎作江頭風妾作江頭樹
曉風吹樹葉晚風淒
又來樹葉若飄泊
妾

心空徘徊

卜永吉字謙之漢軍旗人官繇州知州有來遠堂集

初秋發夜郎

霧滿失前蹊長林鳥亂唳石危鳴瀨急峯峭斷雲低客久
迷鄉夢星馳促曉雞秋風何太急先到夜郎西

邗上送人之黃州

故人辭我去匹馬向黃州別緒頻攀柳相思獨倚樓江流
通漢水春信接邗溝烽火年來急遲遲莫浪游

范承斌字允公漢軍旗人襲一等子爵

八月送友人還山

碣聲將落葉淅淅動寒幃秋色來何處故人今日歸遠山
孤樹小隔水數鴻飛卻羨君兄弟舟中話翠微

除架

園霜一夜滿三徑豁空扉瓜蔓涼雲委藤陰綠葉稀寒蟲
徒唧唧凍雀強飛飛秋意原如此人生念息機

盧震字亨一漢軍旗人官至偏沅巡撫有說安堂集

晚泊千墩有感

野色平煙草孤村泛海天鐸聲山頂寺鐙影樹中船宿鳥
衝殘照征帆落晚煙長途多寂寞萬感憶從前

中秋夜遣懷

芳晨誰共一壺傾片月孤臣相對清風裏蕭疏多白髮樹
間淅瀝有秋聲梅花羌笛催詩思遠杵寒砧動客情極目
淒然懷故里高堂何日奉瑤觥

聽雁

閒牕寂寂映春暉
嘹唳參差聽漸微
故向羈人頭上過
偏從獨客舍邊歸
楚南麥長流民返
燕北沙溫獵騎稀
珍重遠投雞鹿塞
雌雄相保任高飛

隆教寺

層巒迴合梵王宮
色相樓臺煙雨中
千樹門頭盤石磴
一鈴殿角語天風
林棲孤鶴樵僧返
山擁重雲野寺空
薄暮疏鐘催去客
那禁神駿憶支公

送陳其政副使之任廣東

荷風柳露颺雙旌
杯酒酬君出鳳城
江上錦帆鸚鵡喚
嶺頭龍節荔枝迎
煙消瘴地花多種
山聳蠻天驛幾更回首
洛陽春易老
可能頻念故人情

閒居雜詠

木杪西風禁亂鳴，索居此日歎浮名。
酒能痛飲黃金盡，事較粗知白髮生。
歲月堪悲同宋玉，行藏何必問君平。
遠來嘹唳衡陽雁，笑爾勞勞歷百城。

王遵坦字太平益都人官至四川巡撫有願學齋墨甲堂集

詩話太平負奇跡馳飲輒盡數石歌呼爲樂入國朝從肅武親王軍定四川承制署巡撫未幾卒官集中題項王本紀詠佛手柑及古玉鏡諸篇皆爲漁洋所稱

詠古玉鏡

人間銅臭久塵埋，圓璧千年出洛街。
曉步想隨雙鳳晚，妝應照九鸞。
斂微茫斑駁雲生面，錯落光明月入懷。
最好瓊樓伴仙子，素娥斜捧上瑤階。

王穆字子下號息軒漢軍旗人蔭生歷官通政使有息

軒草

詩話息軒本藉淄川以死事之孤上復讐之疏予武功爵起家陟卿寺詩瀏灑沈鬱滄溟渭南兼有其勝

九日同高念東在衡及從子敷政游豐臺

未恨途窮阮步兵路訛偏喜愜幽情
寒流靜抱孤村碧平楚遙連晚照明
秋色近知爲圃樂病身差幸出游輕
何年淄水盤山道共話南塘九日行

夏日

暑氣侵人難久卧夕陽故故度窗紗
不如散髮濃陰下細看游魚餌落花

八月十一飲敬茲寓歸與信涉仲美坐小園葡萄疏影如畫復小酌數盞漫賦一律柬念東

柳絲搖落歎金城深夜懷人華髮生
過雨疏煙濃樹影乍

寒脫葉起秋聲酒徒未欲論升斗傲吏惟應隱姓名長羨
鹿門多舊侶沿溪踏月看秋耕

行趙堡口寄念東

黃沙漠漠近幽燕澤國心驚物候偏遠浦送帆初滅影夕
陽到水欲生煙時名愧我甘牛後歸計多君在雁前倘遇
相思須載酒南溪柳外聽潺湲

龔佳育字祖錫號介岑錢塘人歷官光祿寺卿

詩話介岑初爲掾史授龍驤衛經歷宰安定有惠於
民入爲郎歷戶兵二部府擢山東布政尤有治效丙
辰卿寺能勤其官亦工詩分巡通
禾時招竹垞客其幕相與唱酬

題垂釣圖

無心隨處便爲家渺渺伊人水一涯翻笑秦民太多事沿
溪何必種桃花

張宸字青瑀江南華亭人由中書厯官兵部郎中

詩話青瑀長於應奉文字多存國初掌故龔定庵得其集已稱罕觀謂所作陳卧子吳梅村之間傳詩極少任鈍翁謂梅村每推青瑀長歌今已不可見矣

楚中秋思

日落長沙楓樹紅斷猿啼處暮雲空可知昨夜鄉關夢身在寒煙萬點中

八月江湖起暮寒青楓浦口角聲殘更吹龍笛家家雨一夜巴陵去住難

將登銅雀臺過漳河

躍馬向三臺揚鞭漳水隈寒沙勢空闊獨鳥意徘徊舊磧沈銅瓦秋風起霸才潺湲流不盡楓荻自悲哀

趙而忭字友沂長沙人廩生官中書科中書有虎鼠齋

集

詩話國初明唐桂諸王文柱殘疆戎馬倥傯中仍不廢開科取士之制友沂舉隆武丙戌鄉試洞門尚書爲疎請應禮部試以此挂彈事友沂次鄧孝威韻詩正其時作也

同孝升丈卽席次鄧孝威見送韻

自信無良策窮年抱犢衣春攜三月去天放一人歸白簡
誰言事青山願息機深思前路好孤艇送餘暉

陶之典一名大雲字五徽號澹庵甯鄉人官內閣中書
有冠松崖集

南天門

嶽業忽自平心目一爲曠帝座殊未遙脚躡碧落上班荆
待同游且與雲揖讓雲起乍平門林巒失背向飛斷萬松
濤自成千頃浪髣髴見海蜃樓閣幻奇狀數日遲嶽雲對

此一元暢

洞庭守雪

十年湖夢隔忽向湖中艤洞庭雪耶非峨眉幻爲水水落
雲勢張沙翻空氣委一夜湖雪平寒光無起止茫茫十二
螺疑被同雲徙吹我高寒心浩入湖波瀾夜色一氣中舟
呼素煙裏獨寤洞庭瀾孤懷向元始

浯溪道中

橫空秋氣發歷亂舞山暉樓勢搖溪竹鐘聲返寺扉谷聞
羣兕鬪雲帶斷峯飛獨有乘風翮迢迢萬里歸

抵密印寺逢晴

望近昆廬旭影重溪橋一似故人逢百年聽老鐘聲客千
嶂顏開佛日冬全染名山成錦繡只留新雪辨芙蓉雪晴

正有商量事者舊先來自別峯

林堯光字覲伯莆田人拔貢生官行人司行人有諫亭

詩畧

過賓秋園亭

策我紅藤杖開君白版扉山亭櫻樹暗石磴枳花飛小隱
偏危帽幽尋尙氎衣此時足蝦菜江口子魚肥

李經垓字性符號拙庵任邱人諸生以廕補國子監博

士有東園集

詩話任邱李敬宸副使楨寧當明季備兵大同告歸
殉寇其子又白潛帥士焜方觀祭河東棄官赴難入
國朝再起敬應中外已錄其詩拙庵又白兄子也又
白無子以兄子承廕事寡母絕意進取工書畫敲棋
彈琴皆入妙品嘗於東園詩柏種藥築豔雪居著書
其中龐雪崖檢討與有連爲作集序謂其才氣奔放
一往莫禦少加錘鍊
當與何李抗行云

文選樓

梁祚幾何時斯樓獨存久癡哉大法王捨身如敝帚可憐
太子統痛心獨搔首國事日已非才華空八斗使之踐帝
位不至臺城醜著意在詩書滿腹蒼龍吼小事謬而死賢
不永其壽文快賢士心樓播詞人口今古重斯文遺像垂
孝友瞻禮盡同人相看自不朽

望支硎山

大士圓通路巖廊一望間淺深環法水高下盡靈山孤塔
白能立羣松翠可攀支公何處是日暮採煙還

惜花

喜雨催花開怨雨催花謝問雨雨不知花開花落藉
落花飛滿衣似有留人意何處無情風依然吹落地

昨朝花正好今日花已老借問愛花人落花掃不掃

旅夜聞笛

鄉夢難成付酒杯誰家長笛耳邊催愁人不聽傷心曲說
與鄰家莫送來

佟鳳彩字高岡漢軍旗人由副理事官官至河南巡撫
諡勤儉有栖友堂集

過襄城石首山

汝水驅車馬揚鞭指翠屏泉聲衝石落鶴唳隔煙聽遠樹
連雲淡微風拂草青軒轅曾問道留詠寄山靈

天門山

百戰生還解佩刀扁舟東去走江皋鬼神護此千秋石閭
闔開當萬里濤白日行空天馬過黑風吹浪海魚高捫蘿

直到雲煙裏惆悵山靈笑二毛

晚登保安城西望小頂山

碧嶂青青翠色橫夕陽直射古荒城亂峯煙鎖層層秀瀑
水晴懸的的明鳥弄餘輝綠樹語樵迷幽徑帶雲行停驂
西望饒佳致遠隔關山憶帝京

丁煒字雁水晉江人諸生由訓導歷官湖廣按察使有

問山詩集

詩話雁水爲明尙書殿審孫與弟煒韜汝齊名漁洋
初白皆盛推其詩擬之劉文房許丁卯持節雙江卽
署東攜盤園雜植花竹往來名
梳鏡相賡和一時傳爲佳話

卧病酬林澹亭

輕寒腰帶減窗竹漸離披未得高眠早常愁退食遲青山
秋後夢黃葉雨中詩酒熟東籬下君閒可預期

甲辰上巳沈康臣過集

佳辰須強飲誰慰寂寥居花柳看顛顛江山待祓除休文
能過我逸少有遺書且共追觴詠情深感慨餘

送唐習之游金陵

都亭春霽後送子復南游篋裏仲宣賦樽前元禮舟啼鶯
移苑樹乳燕入江樓故國今如許清吟且莫愁

奉陪王貽上登八境臺次元韻

積年難晤面今日共登臺詩看前人詠樽因我輩開霜鴻
依澤集星使泛槎來極目江天外風煙蔽草萊
遠水雙流合巖城四望孤春潮通野渡夕鳥下平蕪宿雨
藏墟市輕風過舳艫明朝愁欲別握手緩斯須

新淦舟行

城下空江向北流，虔州西上正悠悠。
柳邊過雨鷺窺花，夕陽人倚樓。
漁笛數聲愁欲劇，篷窗孤枕夢偏幽。
一川煙景頻來往，每對青山憶舊游。

元日卽事次上官三立大廷尉韻

鷓鴣班歸徹火城，陽回初囀上林鶯。
嘶風寶騎聯鑣出，映日宮貂簇錦行。
柏葉共分春晝酌，梅花獨結歲寒盟。
喜瞻雲物新開霽，應念調和屬老成。

獻陵懷古

同姓占封此地嘉，賢王禮樂有光華。
當年大雅歸毛氏，落日遺宮憶漢家。
鴉啄殘紅翻柿葉，雁迷淺碧過蘋花。
翛然立馬蒼茫外，城角秋深起暮笳。

病起示舍弟韜汝

三秋卧病歎支離冷雨幽窗祇自悲
換得衰顏驚鵲鏡移來廢硯觸蛛絲
暫拋世累鐘殘後頓起鄉心葉落時
莫道身慵生事減池塘猶示惠連詩

賈誼宅

洛陽才子屈長沙舊宅開殘橘柚花
天下治安猶痛哭南方卑溼漫傷嗟
霜寒廢閣啼妖鵬日落荒庭集暮鴉
千載懷湘同有恨賦成騷客鬢應華

胡介祉字循齋號茨村宛平人蔭生
歷官河南按察使

有谷園詩集

望是故鄉行次毛子霞歸郢

毛生豈是鴟夷子何事吳山復楚水
子長二十稱壯游梁鴻五噫何年始
晴川閣上補新圖赤壁磯前弔故壘
猶憶

金臺躡屐過白眼那顧公卿屣此時意氣徒干霄擊筑聲
殘悲不止賣文賣字知者誰掉頭一旦辭燕市負卻金箱
五嶽行高蹤到處疇能比余也薄宦鄂王城竹裏花間期
共倚昨來折柬索新詩遲君不來真缺事忽聞衝暑歸并
州極目煙波渺何許欲探瑤華未得將盈盈相望人如咫
我亦移官向岱東片帆擬掛秋風裏別後相思知若何江
雲江樹愁無已萬疊峯陰聽雪樓鬅髮高吟想在此

過武勝關

萬山連不斷斷處一關通馬踏殘煙裏樵歸落照中晚雲
平古道霜葉舞寒風不盡天涯思征鴻點碧空

王寵字子陶孟津人貢生歷官山東提學道按察司僉
事有大愚集

西郊

霜落松杉勁場空黍稷收回雲餘暮雨古木畏寒秋寂寂
村煙斷荒荒野水流兵戈身已老忍淚向旄邱

夕陽

夕陽衰草伴寒邱老樹陰風吹敝裘月落孤城殘角暮鐘
鳴旅館夜心秋獨憐處世才無用翻恨經年戰未休剩有
東都閒故舊同攜魯酒上高樓

魏裔魯字竟甫號曦庵柏鄉人諸生歷官山東鹽運使

詩話竟甫文毅兄也初宰費縣量移建昌時中原初
定羣盜如毛在費盜來攻棗木倒植城外引水注
城城凍堅如鐵晝夕捍衛盜終不得入在建昌造洋
梁引兵渡江捕治諸剽寇爲盡遷淮安河防同知築
隄開渠擁守龍安張獻忠亂後白骨遍野歌而
瘞之及督離山左以老乞歸年至七十有三

馬道

削嶂通煙霧攀蘿曲徑捫銀沙走石壁雪浪激雲根老樹
垂松子寒溪長竹孫停驂郵舍晚愁絕聽啼猿

白草橋

青山兩岸合白草一溪斜驛路橋邊樹煙村嶂外家石梯
堆積雪鐵鎖控流沙役賦多愁苦遙聞每歎嗟

夔門

峽連數百里日月隱重巒彩鷁狎驚浪輕帆下急灘山迴
神女廟水繞武侯壇形勝今猶在傷心望永安

山居

十丈丹梯百尺溪綠楊村在眾峯西松門日暝眠花鴨蘚
徑雲深護竹雞捲幔遠山青未了攜觴嫩草碧初齊幽居
最喜無塵事時有春禽隔樹啼

雨淋鈴

鑿輿出狩幔宮圍棧閣鈴聲夜雨霏寂寞昭陽誰奏曲梨
園鬢篋有張微

成光字近天號仲謙大名入蔭生歷官湖南糧儲道有

素園詩集

詩話青壇相國二子長伍嵐入詞館次卽仲謙歷官
禮獨不爲下其徒挾術橫鄉里捕治斃杖下卓卓見
風采致仕歸優游泉石閒作書畫自娛卒年七十五

客秋別汗朱于都門至是造訪濮陽

名流垂畫舫才致近歸君夜擁青藜杖朝揮白練裙悲歌
辭上谷握手對南薰吾輩何搖落同淹麋鹿羣

飲鄴郡李磊軒齋

一逢元禮羨登仙把臂論交豈偶然鄴下風流詞賦盛客

中心事酒杯傳隔窗鳥語消殘暑夾徑花枝起暮煙舊德
世傳兼嗜古尊彝滿眼任留連

魏勳字亮采號蒼霞柏鄉人蔭生歷官陝西臨洮道有
玉樹軒詩草

喜彭士報自豫至燕

跋涉何辭遠中原匹馬來黃金燕市客白雪孝王臺笛裏
關山老年光日月催華堂秋色靜試共盡餘杯

周應遇字鶴泉一字麓山善化人官雲南洱海道僉事
有友水軒集

楚雄游紫頂寺同王玉熊李少白汪季安時茶花盛

開

綺閣盤溪頂千松抱佛青好花先客醉塵影對泉醒官戀

閒中奔僧翻忙裏經曉來成底事歸路愧山靈

韓則愈字叔夜鄆陵人貢生官永嘉知縣有秋巖詩集

詩話叔夜少時儻不羣蜚聲復社入國朝以明經領縣經術潤色吏事三年解組歸

靈峯洞

有峯拔地起亭立三千尺轉折拾層級洞天窺一隙幽邃
直佛窟傳聞太守闕歲月既已久石上苔蘚積洞門俯眾
山雙筍誰爲孽靈芝高可採初月漾金液小憩招白雲藉
草欲晨夕山僧不厭人筍蕨喜留客終老祛塵纓優游此
山澤

戴山晚眺

石磴盤旋共客登微茫水霧認層層橋邊落日迷秦望城
上寒煙接禹陵遠浦漸昏聞過雁柴扉半啟見歸僧旅愁

好借風吹去又費先生酒一升

許遇字不棄一字真意號月溪侯官人官陳留知縣有

紫藤花菴詩鈔

詩話月溪爲有介子善畫漁洋嘗題其畫竹云許侯
磊落負奇氣平生節目堅蒼筤石林手種竹萬箇興
來自寫千貫簪仕有惠政工詩有家山雜憶絕句一
百三十五首祖德先疇故家舊友懸綿悵情見於
辭

江上寄友人

處處春歸客不歸片帆迢遞逐斜暉野花點水紅應瘦遠
樹留雲綠正肥讀徧好詩愁未醒看殘明月夢還違何時
得結寒溪侶箬笠青蓑弄釣磯

丁耀亢字西生號野鶴諸城人諸生由教諭歷官惠安
知縣有逍遙游陸舫椒邱江干歸止聽山亭諸集

詩話野鶴爲少濱侍御子猶及華亭董文敏之門與
陳古白趙凡夫徐開公結文社歸與萊州宋子房講
經世之學子房死難野鶴入國朝諳京師充教習築
室米市與王覺斯傅寧雷薛行屋張坦公詩酒相過
從初除校官旋遷幸縣以母老投劾歸詩逸宥有
風致兼通詞曲有赤松游表忠記諸傳奇行世

瓜洲

水外蒼煙一鷺明
長天雨歇半江晴
雙舟對過如梭急
愛聽船娘轉舵聲

屠牛歎呈張中柱學士

燕市西番舊羌落
屠殺天生自安樂
都城用牛不計萬
遠近羣驅就束縛
撐拄蹄角側不起
努張血力睛猶爍
飲刃一哮微帶聲
中節砉然遂解髀
庖丁見慣談笑輕
一瞬十牛如振蕩
眾牛旁立相待死
毛角濺濺神自若
齒肪同登大俎盤
皮骨羣分百匠錯
死猶濟物不辭用
生本利人代

耕作虎豹凶殘出於桺勞生盡力填谿壑功罪報施已不
仁造物何嘗分厚薄東風春草年年生老牛死盡犢還耕
哀陳章侯

到處看君圖畫游每從蘭社問陳侯西湖未隱林連鶴北
海難同郭泰舟鼓就三搥仍作賦名高百尺莫登樓驚看
溺影山雞舞始信才多不自謀

梨口村

瑤草琪花徧地生青禽紅果不知名層層列岫天如束人
在翠微深處行

聽笛

寂寂遼峯青梅花落洞庭何人吹入破能使客愁醒鶴唳
雲門遶龍吟海氣冥悲秋兼別恨明月滿山亭

孫錫蕃字業臣黃岡人拔貢官霑化知縣有復庵詩集

春游有感

茅亭三五隱湖東避世寥寥北海同萬馬中原凋壯髮孤
峯天外卧山翁江聲夜夜流明月柳色青青冷漢宮雨長
石苔春漸老傷心人在落花中

東古寺次楊伯祥兵部韻寄金子駿先生

天末孤臣走閒關芭蕉一葉已輕閒身存湖泛鴟夷子親
老人傳謝疊山讀史英雄成敗論立孤難易死生問肩頭
霜雪平生事夜半悲風逐鬢斑

宋之韓字奇玉號蓮仙沂州人歲貢生由教授歷官瀘

州通判有海沂詩集

詩話蓮仙以康熙四年入蜀著蜀難本末所述或正
史所未及其用意歸於恤苦撫殘可謂志存兼濟者

矣詩蛟蚓雜樣姑
錄二首以存其人

鴻禧寺燈下

湖州鴻禧寺夜靜似深山晚磬月中細晨鐘院外閒經聲
連竹徑佛火出花關禪舍渾無事燈光動旅顏

瀘署感懷

憶昔虛聲二十年於今俯首蜀江邊牙籤數卷父書在烏
道千巒王路艱寄傲時思康樂里題詩九覓雪濤箋無端
遠涉不毛土無賴秋心繫暮蟬

劉漢藜字博仲鄆陵人恩貢生官江南清河知縣有寶

蘇齋詩藁

同淇瞻登伍山

北闕浮雲迴伍山秋色多寒聲落危石木葉下黃河抗疏

新驄馬傳經舊薛蘿少年登眺意回首已蹉跎

舒逢吉字康伯廣濟人諸生官瀏陽教諭有綜雅集

九日飲王山長齋

雁聲嘹唳過西樓共客長安我獨愁自薦羞懷丞相刺仙
登喜共故人舟頻斟綠蠟凝雙眼誰把黃花插滿頭取醉
莫嫌歸路晚一鉤斜月正淩秋

彭焱字然石孝感人歲貢生官黃安訓導

詩話然石明季補博士弟子員避兵湘黔間寇至妻
胡及子女皆死難兄森若木又殉於武昌然石官黃
安歲旱請賑鬻產以佐之士民頌焉晚棄官去不知
所終有登黃鶴樓詩曰誰知地老天荒後猶得重登
黃鶴樓浮世已隨塵劫換空江仍入大荒流楚王宮
殿銅駝臥唐代仙人鐵笛秋極目蒼茫僧戒顯作飄
高挂亂雲頭歸思採入別裁題爲太倉僧戒顯作飄
得之卷軸中或然石行題後寄述空門安禪江表莫
詳矣

古劍

鶴鵝膏白鵬尾清光凝凝一溝水良工未有兒女情冶鑄
全茲英雄理光芒不屑刺蛟螭願擊小人衛君子我今持
爾久無功不用還與沈埋同白酒澆入古血腥對爾慘淡
臨西風

寄家仲

牂牁江上羽書催裏血將軍夜半回異國驚魂豺虎路天
涯灑淚弟兄杯那堪生死十年事都付關河一使來壯志
消磨雙鬢短幾回殘夢楚天隈

畢際有字載積淄川人官江南通州知州有存吾草

詩話載積爲景曾尚書自嚴子尚書當崇禎間領度
支綱繆支柱條理秩然卒被讒構未竟其用載積入
國朝尚理前蔭出牧五狼有膏
澤於民去官歸隱白雲自怡

秋夕

隔戶度輕砧空階鳴絡緯此處少梧桐不知落葉未

和其年卽事原韻

鐙影幽窗讀楚辭忽驚秋鶻縱絲竹爐聲寂鸚哥語正
是檀槽半咽時

重九前五日西園小飲

漫道重陽期尙賒東籬黃菊已先花檐前秋滿雲籠月天
外星寒客泛槎高會況逢鴻雁到豪吟直欲斗牛斜池亭
鐙火環如晝疏柳幽篁醉孟嘉

方畿字奕千號還青桐城人恩貢生歷官漢中同知有
四松齋集

淮南

漕舟帆底客登樓漂母祠前樹報秋地枕江湖連岱嶽天
開淮海是揚州戰場舊握羣雄策河勢初分二水流自是
世兒無具眼坐輪荆布識王侯

傅燮詞字去異號繩庵靈壽人蔭生官邛州知州有繩
庵詩臺

白石邑之蒲吾

高峯四合插天齊石邑西來路轉迷鳥道半隨山曲折人
家多在澗東西依牆種樹遮茅屋壘石爲橋接斷溪幽境
自能消溽暑長吟緩步一攀躋

山中絕句

文山突兀接晴空俯瞰羣山培塿同昨日市城西望處此
峯正是夕陽中

章漢字素巖任邱人諸生官武邑教諭有貯月軒詩

日說

日說歸休未便休三年濡滯一生羞秋風虛動張翰權夜
月空懸庾亮樓七葉漢貂聲自藉千金燕駿骨誰收賢愚
窮達從來事呼我何妨任馬牛

魏體仁字仲一號筠圃南樂人官永清訓導有一枝堂
詩集

抵嘉陽

策馬春風入漢嘉山城曲抱水流斜子雲亭古餘芳草孫
氏臺空弔落花十里桑田藏竹戶幾行柳市帶漁家車停
昨夜飛新雨洗出峨眉一帶霞

顏伯珣字石珍號相叔曲阜人官壽州州同有砥芳園

遺詩

詩話石珍爲修來吏部之叔屈於下吏在官修苟賊有遺愛於泗上築祗芳園聚一時名流唱和其中詩工五言清刻拔俗

宋牧仲稱賞之

孤琴歎

殘絃少新張孤琴久難理迴舟抱汝來棄置復似此譬彼
良友朋愈疏道深恥平生所綢繆焉能缺終始時迕事竟
違幽情遞變徙况罹雉羅間赤烏羞几几晨牀蒙蛛絲宵
月嚙齷齒慘澹金博山音斷琅玕水中庭買雙鶴飢鷄鳴
未已舊歡尙零落新知安足倚人生慎離合明發淚清泚
八月望後際堂諸子攜酒過館舍時將去正陽
不欲非公綽卑棲豈士元舊耕思土鼓新彥望金門歲晚
才難並詩成淚有痕白頭看袞袞多爾在中原

厭歸

歸厭猶妻子官微少簿書吟詩從亂帙種菊未親鋤危樹
號飢鶴殘經守蠹魚深知老馬悔浪說在鹽車

璿璣泉

巨峯劃中陂東南無半麓中有百溪流上有十丈瀑勢割
朱夏長寒刮亭午目遂使神鬼工中園得滲漉青天振飛
響殷雷轉巖木誰尋從來源漢使終往復此地濟惠通涓
滴不敢掬明禁三百年溝洫廢爲陸匠心理獨成鑿井原
山腹周蔽峪岬嶂窟藏環斗軸牽牛咫尺內運如璿璣速
洞掣元冥宅浩落珠萬斛支分各滙陂南走石池澳歛解
抱甕憂滋生賴溪竹鳧鷖日滿梁魴鯉亦漸育匪直羣類
蕃黃茂錫嘉穀濟兗水利亡旱虐時反覆狃俗自乏術天

豈罪饒粥乃知神禹功潤澤在四瀆近者淮泗間機法頗
羸縮潁川虹飲筒用乖文可讀此志竟寥寥棲託同麋鹿
雲水杳冥去窈窕成春服緬昔輞川人遺篇臨池錄

祗芳閣

潁洞陂水陰中岸折長壑南屏諸峯稠林木互參錯蒼然
秋色深窈窕見層閣洞戶屬玲瓏霧氣夕漠漠水聲琴書
潤天碧衣裳薄閣下轉曲房步欄緣嶺鑿葦蕤紫珠盤當
檻紛未落苔長屐痕疏梯石淨洗削昔聞衿衣人不加陶
漁樂矧余一褐夫泉石殊不惡近攀越觀雲遠召緱嶺鶴
婚嫁願何奢棲意盡寥廓

中陂

萬物皆已盈山水甯厭取自開原山泉中園圻水府出納

皆匯陂勢無百里土譬猶建中州四溢分條縷黯淡原山
崖窟根互撐拄石氣入青林幽姿爲雲雨南屏鏡中懸一
一類天姥春蓴絲就舉秋魚鱗堪數往往花港船清樽隨
棹鷁過閣侶常集岫月待初吐長笛碧煙收如聞潛蛟舞
萬象紛濛濛光炯鑑可覩岸疑留遺佩洞欲摘石乳幽勝
固非一物色兼草莽江漢有覆舟他山多鬻虎消息懶服
食何羨生毛羽

馬之驕雄縣人官壽張主簿

過揚子江宿玉山寺示僧達已

客枕五更盡禪龕四壁空夢歸天界外身在佛聲中山靜
自移月江平不動風遲明理舟楫前路指飛鴻

盼柯園晤石耳山人

勞生誰復澹風塵石耳山人道意真栗里曾稱晉處士疊
山原是宋遺民清餘積雪蕭蕭髮危挺孤崑落落身莫訝
武陵非隔世桃花流水自通秦

廣平別友

兩易春衣共薜蘿乍臨風柳聽驪歌懸知別後清宵夢只
向邯鄲道上過

呂鼎鉉字嵩和掖縣人官宣大督標參將

過慧宗上人禪院

閒來過野寺隨意卧僧牀峯靜秋陰轉松深午夢涼點晴
龍破壁聽偈鶴登堂不作出塵想冷然與世忘

高翥映字雪君姚安人世襲土同知有妙香國草

詩話高氏在元末爲姚安路總管明初改同知啟禩
間傳至耀遷疾去爲僧以雪君嗣入國朝仍任職如

故至孫厚德雍正初改設流官安置江南雪君
嘗注易通音韻之學纂雞足山志著述斐然

題陳翼叔石棺

石椁添新事
堅貞貯此身
乾坤無久客
天地有遺民
矍鑠閒消歲
嘔啞漫對人
何時當碧化
筆墨弔孤臣

晚晴移詩匯卷三十一終

晚晴簃詩匯卷三十三目錄

惲格

四十四首

楊宗發

四首

潘高

十七首

毛先舒

五首

倪濤

二首

董瑒

四首

吳屯侯

十首

陸典

六首

周榮起

一首

先著

二首

費密

八首

王琪

一首

徐夜

十首

王爾膺

三首

宿鳳翀

二首

邵長蘅

十首

董以甯

四首

朱克生

三首

何昶

五首

趙潛

二首

魏憲

六首

李以篤

二首

易宏 三首

李漁 二首

金人瑞 一首

晚晴移詩匯卷三十三

徐世昌

惲格字壽平後以字行改字正叔武進人有南田詩鈔

顧甯人曰正叔落筆如子山詞賦蕭瑟江關昔人所
 謂文字外別有一物主之非大地歡樂場中仿倣俱
 倡郎當舞袖錢飲光曰南田題畫云筆端點點俱
 通元氣又云十指以外化工俱為長物是其意象慘
 澹可謂良工心苦蓋耳目之欲接則敗其思蚊蚋之
 聲聞則挫其精彼夫庭可以搏鼠者惡能與我歌哉
 故知南田畫者常與讀南田之詩鄉詩士曰南田
 五言古體上齋離騷中參蘇李下括建安七子七言
 古體追逐青蓮又復融肖奉禮五律專師浣花絕句
 脫然畦封直與龍標諸賢白戰於變風境上莊書
 田曰南田詩宗李義山字本裕
 河南而後逸天成痕跡俱化
 詩話南田一代响人詩與書畫同臻超妙六逸集鈔
 詩五卷特為清整道光間海甯蔣光煦別輯香館
 集十二卷補遺一卷雜采石刻墨蹟以逮題畫小詩
 或為錄舊或由依託問恐誤收其例言已自書之未
 為善本六逸集凡例云南田詩率幽渺淒戾然其大
 者不可得而錄也錄贈酬題畫諸小什又不足盡南

田則俟後之論世而知其心者蔣氏所見手書戊申
己酉題江上紀愁詩有古意十六首自注戊申六月
十九夜紀事張日容所稱義心苦調凄然稿頌之遺
音而鏘洋宵渺殆此類也惲子居撰家傳曰先生泥
塗軒冕鷄居蟬飲身世之際可謂憫然世徒以畫知
先生未矣南田父遜庵名曰初歸愚別裁錄其詩在
第八卷六逸集云惲遜庵曰初詩刺目鉢心神施鬼
設下視南田猶審言之於子美也江蘇詩徵引遺民
錄謂南田原名曰初詩人徵略沿其誤又閩秀惲冰
字清于南田族曾孫鍾崿之女畫徵錄詩徵並誤爲
南田女附
訂於此

王郎移家桃源澗

拳幽綴山楹解轍弄薜荔上交杉篁音下瞰欲無地激波
澹花林翰墨散春氣半壑異昏明瑤琴枕獨寐窺庭如在
山採山山暉闕有時風雨來襟帶亂空翠應聞天雞鳴或
與猿鳥值出入徑寸間森然萬象植雲物敢祕精造化同
得意元黃改橐籥陰陽無根蒂振冠千載上浩蕩騁靈轡

古意

鷓鴣一以鳴芙蓉不可託天津瀉其波蟾蜍久寂寞黃鵠
正號呼羽毛半凋落離離蝓蠨織唧唧野田雀八風不動
籥元氣亦無稊白雲一朝枯仙人足安錯

金虎行肅殺山樹悉衣赭瑟風蕩瓊華崇城闐如野穀弩
射高墉鷹隼不能下日月無曠壘江河忽暗啞誰將乘龍
淵空望游車馬

扶桑有紅鸞繅絲繭如襞采彼雲霓光言織麟與鳳瑤姬
守明河綠梭不能控高颺亂絲結若華淚交送處妃爲撫
膺湘君亦悽慟燃火索瓊茅從君卜天夢

十年愛鮑魚天下無臭蘭豈知崑崙墟惡草成琅玕紅雲
摧帝珠有鳴非玉鸞蠟旣麗其裳范亦華其冠靈夔宴早

魁玉斗酌金盤九鼎已沈河誰能辨神姦

列星如垂珠美人以爲服惜哉無良期丹泉不可浴投身
下大荒空懸九幽燭西皇猶未寐懸圃方局促我欲乘飄
風行空豈有足神靈駕雲車旋轉亦無轂

枯桐失牙徽元雲散重陰一從操南風千秋無此音舉世
不見賞空有太古琴軒轅何時遇重華曠難尋田連抽其
絃秦容忘其吟靈祇中夜泣蘭氣秋已沈絳絲不敢言何
繇寫我心

閉戶圖僊靈出門販五嶽五嶽不得售僊靈何能樂芙蓉
羽衣瘦冰鱗玉膚剝星明不見月無晦豈有朔騰蛇矯其
尾奔龍皆喪角有鳳鳴荆山吾將采良璞

下土正麟鬪若木風蕩蕩一夕墜濛谷六龍不得上夸父

亦何愚鄧林以爲杖屨峨只一山神州亦無兩百靈皆高
眠而我獨偃仰早不畜雄雞何時見天朗

綺里在南山彈琴見白帝騎虎行翠微剛風翠青蕙神泉
竇已塞穹洞霾風閉瑤圃困春租芝田窮秋稅徵調及山
鬼翦伐盡八桂何以薦獸葉女蘿束薜荔珠樹無餘枝珍
果不留蒂致書問游雲雲將欲流涕

坎井在東道棘林出西陌後園樹以梅前簷復栽藥坎下
不可飲棘中非安宅苦雨零我衣酸風交相射灌蘭無餘
臭種芝少光澤沈憂方及晨長歎坐至夕

九月披重裘凝寒墮人指北辰換樞紐鼈足正南徙積氣
俄已傾星辰亂天紀溫風久不至鄉衍凍其齒鳳鳥忽無
聲伶倫塞其耳

長星三十丈有字如車蓋太白當晝明日輪不能大朝聞
泰山吟暮見鬼神旆燐火化列星哀鴻作天籟神京正嗟
峩河山自根蒂雕題貢名馬卉服獻珠貝災患亦不生妖
祥復何害

巫陽呼九關空中鳴天鼓增城非故居上帝無甯處橫流
奔重霄不周沒其柱南山虎無食牛哀夜相語銜尾浮渡
江歎爾不如鼠

北地有藏碑懸識出淵水云誰司蓋藏鬼斧不得毀其文
既傾錯其言復何指柳葉辨蟲書煌煌告人紀天神笑下
土魯國無男子呂尙方鼓刀投綸未知止關中何寂寞拔
劍亦云已

燕趙非我鄉衝霍久見隔升高望四野但有狐狸迹莖莖

豢龍芻秣馬將安適盛年亦須與前路轉見逼還願望靈
臺蕪草已盈尺靈臺尙不存憔悴敢自惜

高冠不復暎久客無完裾悲風緣隙來陰氣慘不舒日夕
望大江誰能脂我車富貴于我賤貧賤于我貴珪組何敢
愛溝壑何敢諱椒薰昔所佩纓綬今所畏無裳豈忘寒長
飢豈忘味安得樽桑暉冰茗作春氣

古意贈友

大匠不運斤榷楠同薪擣王良不在御神驥賤爲駑和氏
勿見剖棄擲成砭硃利器非蟠根胡從知湛盧所以處風
埃賢智盡爲愚囚臣世所笑鮑叔爲脂車謀業須速時蓬
累徒區區呂梁何必險側足在通都曠觀鈞陶外甞勉崇
合譽

高穹垂星芒，雞鳴耿長宵。窮陰尙流霰，春氣在寒條。黃鍾久希聲，舉世失簫韶。何由見鳳儀，期與帝相要。重輪轉羲馭，吹萬旋斗杓。陽林交丹翠，陰澗發蘭苕。騰蛇盤霧霧，鷹隼樂風颺。絕足未奔空，凡馬同銜鑣。絳螭一驤首，重雲開紫霄。

曉行深谷

樹暗不斷煙，崖蜂時墮蜜。藜牀荔垣藓，交絡檜雨篁。陰不見日松梢風，過落藤花仰。看飢颺啄山栗。

遊仙曲

天衣如雲初拂石，碧眼仙人散紺髮。上有瓊華照銀闕，絲波無風見蟾月。瑤圃玲瓏翠相結，赤城鱗鱗堆絳雪。採香仙妾紛成列，東行海水飛塵積。盧敖綠玉杖，九節齊侯棗。

花散餘白上元酒盞澄天碧蘆刀刻髓流金液行廚包麟
煙五色海上歌鸞聞樂闕山河率舞靈妃悅白鶴西飛一
雙雪漢殿何年種桃核真人宵光眼相射欲耕下土無阡
陌龍鼉驅風移水魄榆柳凋枯安可摘昆侖破碎非我宅
騎龍奔雲九關闕登降帝臺杳無迹坐捲紅霞展瑤席手
頓羲和不敢夕

在東園東毛稚黃

海雲茫茫春霞斷柳絲綠徧寒江岸細網幽窗竹煙亂山
桃海棠落將半鳥聲過殘雨蘭風細吹案我思在空谷我
夢屬雲漢銜璧只獨照錦衾空宵爛飛花濛濛還坐歎江
郎藻筆不在腕石泉水芹泛谿館柳下無人待誰鍛

山樓曲

傍碧山臨清潭修篁灌莽蒨葭相交覆中有
小樓岑然窗牖洞明憚子寢其上晨興延眺

清寥淒煙劉風目遠心邈隱几吟哦而自弔意忽
忽若有所思而無其端倚倪嵩冥疑有所遇而不
可究詰紛紛襲襲如亂絲相繆其來揚恍其去黯
慘氣鬱色換動人之魄搖人之精終不知其所從
起而強名之曰感證曰怨思皆是也而非
也乃繫之以歌託纏綿之思於其音云爾

空樓蔽芳樹竹葉落翠羽瑟瑟琅玕滿樓霧青青樓上山
無數湖風吹山山作雲溼雲含雨連山度我思飄渺雲中
君乃在十二峯間漢皋路貽我瑤華雙珠珮流光灑灑空
靈遇金銀臺冷芙蓉衣弱水如煙散霞圍星飛井底海水
乾去天一角望蛇盤手縮羅襦非合歡雌龍怨澀冰絃彈
綃文亂染紅闌珊嬌花泣露金井寒轆轤聲轉煙蘿塢夢
送春雲過江浦天雞喚夢雲不知滿樓溼盡山樓雨

初冬過荆溪訪潘元白便移舟西汎從南山一帶看
楓葉同游爲天台石枚吉月陵友雲元白髯浮屠

我從蘭陵來呼友荆谿市荆谿主人愛看山牽船脫帽西
風裏千林十月不見霜平隄碧草浮魚梁蘆花冥冥水淺
淺楊葉索索煙蒼蒼潘子揮長牋篷底坐焚香四座分酌
酥傾杯無酒漿江東步兵自行炙鄴下才子調銀簧舍棹
入翠微扶石憩山館石林崩灘路不同高松無人鳥相喚
前坂穿稻畦樵徑忽下斷古藤搖寒柯紅柏落將半榆風
煙露變殷紫杉陰檜枝翠交亂幾時飯黃精直上銅山顛
一爲鸞鳳音萬壑皆冷然日夕下蘭坡高歌齊扣舷手拂
冠纓弄魚鳥葭汀空影相澄鮮漁網衝煙沙岸直水光盡
作明霞色回看松路起昏鴉雲暗山門眾山黑

孤山遠眺

振衣空翠裏悵望水天隈百谷秋濤壯千帆夕照來竹深

山徑合雲盡海門開無限登臨意憂時賦七哀

一峯原砥柱今日見桑田

孤山原在江中屬秦興今成平陸爲驥江所有

海嶠雲

邊出江城樹杪懸葉飛孤岸雨雁度萬家煙吳楚蒼茫裏

凭高思渺然

江城

秋風楊柳渡馬首散秋聲萬雉雲連水三江雨洗兵樓臺
橫戰壘簫鼓動嚴城未見爰居下波濤夜不驚

寄范荆門

白馬雕弓玉轡轡荆門專閫握銅符虎牙吹角翻新壘魚
腹披雲按舊圖月滿三巴歌出塞秋高千騎獵平蕪輕裘
儻過衡陽路好遣雙鴻到五湖

柴墟懷古

金牌舊恨泣鮫綃江岸荒祠尙寂寥自昔河山征戰地至
今風雨鬼神朝濤翻白馬東來急天接黃龍北望遙極目
寒煙憑弔處長虹中夜出雲霄

王顥庵太史拙修堂宴集分韻時移家還里將有遠
游留別婁中諸君子

花殘江館滯征纓綠浦紅湖柳岸平芳草有心拙夜雨東
風無力轉春晴艱難抱子還鄉國落拓浮家仗友生只爲
躊躇千里別歸期臨發又重更

同李非夏湖山眺望

春愁正滿落花天不見王孫又幾年添得湖山今日淚玉
簫吹斷鷓鴣煙

舊夢湖南春雨空高歌無地望崆峒囊中自有江山在亂

採鶯花入變風

白馬江湖自往還
鴟夷舊恨滿吳關
可憐都作嘯鵑血
紅徧西湖夢裏山

天地容吾未老身
煙雲不改舊時貧
西湖四月無遊女
獨採蘋花待故人

海昌東門望海

海老神蛟入夜哀
觀濤曾見水雲開
奔雷欲散連鰲雪
一綫橫空白練來

海氣蒼茫冷罽袍
幾看明月蜃樓高
可憐精衛當年影
石猶懸大海濤

題楊柳

何處香車紫陌塵
枝枝斜墮落花津
美人獨立東風裏
半

爲春愁翠黛顰

烏嗁江月正昏黃風裊殘煙翠帶長最是笛中聽不得白
門花落舊宮牆

弱縷風前未送寒和煙和雨上闌干當年歌舞消魂地深
院沈沈獨自看

莫爲春愁減帶圍風前弱縷尙依依傷心最是紅橋路竇
馬鈿車亂後稀

綠池花片曉來增欲挽東風力不勝只爲送春無幾日自
將煙翠染谿藤

數點昏煙月一潭綠陰桑火過春蠶從今移入圖中看不
必攀條憶漢南

時石谷王山人爲天涯諸同好畫柳盡
宋元諸家變體窮工極妍稱一時勝事

灞岸千絲定有無隋河舊綠已全蕪抽毫細染眠煙勢兵

氣應難到畫圖

戊午秋江南楊柳翦伐略盡予別有歎柳詩

夢隔春雲海路長楊花飛盡莫思鄉閩南不是無青柳海

國遙聞已種桑

題閩海張郎柳圖故有此句

楊宗發字起文武進人有白雲樓詩鈔

顧甯人曰起文行身甚狷文筆甚狂 惲南田嘗指其

飲酒諸詩數曰正叔今在下風矣 陳其年曰告人

謂老杜衡州詩悠悠委薄俗鬱鬱回剛腸二語甚悲

又謂韓詩酩酊馬上知為誰用意哀怨過於痛哭起

母乃類是 文短歌行

詩話起文從惲遜庵學年四十二以居憂刻苦成疾

卒蔣金式作傳借其飢寒亂心足未出閩居而又齋

於年其詩故橫絕氣體高古其中煨煉尤工也六逸

集存詩無多去取殊不苟然如秋懷云生愁橫心長

枯夢抱魂出露滴蟲情寒月照星景滅賦

情幽澀既非郊島沈思抑墮鍾譚末派矣

有酒當歌歌亦莫苦來日如歸會不俟我牙鬚鬢積水

短歌行

生苔苔生水枯使我心哀青天爲舟日月爲槳渡我百年
他人嗣往蟬蛸匪短嶺嶽匪長人悲有餘我樂未央何用
爲樂與彼嬰兒仰視蒼蒼生不自知何用爲樂與彼草木
蒙蒙爾心俾無飢渴何用爲樂與彼山陽朝行九州夕不
遺光何用爲樂與彼瓦石中無肺腸飲食不得何用爲樂
與彼浮雲逢逢天飛首尾無因何用爲樂與彼流水出入
魚腹長生無死生死同寄形影俱虛但當歡樂終我須臾

山中詩

寢興絕思思夙昔憩夷簡閑閑繫林壑湜湜嗜苔蘚卽目
窮所變因心去其褊和風芬以集靈鳥聲相囀暇逸通左
右談笑承深淺春光旣斯日遇物平生見
空巖悵流目虛壑馳超忽物色宕煙外予懷澹川末閑時

夜氣發靜地春光接木石叩情性見聞冥欣戚青苔積鳥
愛絕徑斷雲跡曠覽識初古周旋任天質神凝不我昧理
永奚所隔

佳興挾晨夕氣候亦餘好春色散容與朝光聚窈窕新煙
入女蘿宿雨出青草未敢測神化殊知待林鳥索居共樵
爨納拙將漁篠登涉中有源巖崖外爲兆遇始識俱殄感
終神與杳

潘高字孟升號鶴江金壇人諸生有南村詩藁

王漁洋曰潘孟升五言學韋柳余愛其清真古淡可
與邢孟貞王言遠頡頏沈歸愚曰南村詩古淡生
新絕無雕飾而自然合度金陵詩社賦秦淮曉渡爭
勝者多長篇累幅南村曰我年老才竭只二十字也

出示眾
皆斂手

詩話國初江南布衣詩吳陋軒邢石日外卽推南村
嘗北游與立齋健庵江村諸公周旋集中寄立齋詩

較多或氣味特相恰。賦詩以淡雅勝。七言絕句尤有風致。陳迦陵盛稱黃鴉數穀一篇。然集中似此者尚多。非其至也。

野蔓

野蔓不緣樹空引枝葉長。谿谷少人民。猛虎嘯河梁。虎飢不擇肉。夜盜豕與羊。有客來何爲。夜行多苦傷。門外追呼急。子歸皆倉皇。廬舍無遺粟。齋我諸軍糧。軍糧幾十萬。朽腐委風霜。諸軍何所事。弋雁以翱翔。

題秋江詩棹圖

楓葉瀟瀟柿葉稀。空江白浪拍長隄。逆風小舫愁無力。家在黃陵西更西。

漫興

三月倉庚五月蟬。寒蛩八月復淒然。只攤殘卷溪邊坐。把

筆題詩過一年

秋日雜興

明月函關路清風華嶽祠十年身不到一夜夢猶隨冰坼
河聲遠花開日色遲何時乘小蹇尋我舊題詩

門前烏桕樹樹底一人行苦愛清秋色閒聽伐木聲風吹
寒霧散日射午嵐輕誰識悠悠者幽居不用名

春歸

不識春從何處歸空餘春酒漬人衣牆腰日色投西下風
腳楊花帶北飛筋力自知垂老異歡娛偏恨故人稀憑高
望遠情何極獨坐吟詩卧翠微

賣花詞

身是城邊賣花叟賣花歸來卽買酒曲巷朱門聲婉轉春

風作伴蜂聲滿家有花花未開春風先到我家來勸君
買花須少年勸君莫惜買花錢賣花老叟年年在買花年
年時時改昨日少年今日老君不見擔上花開可常好

贈別

襖被蕭條落照前江湖飄泊又經年雲深禹穴尋山屐雪
合耶溪載酒船醉後可遭官長罵鏡中知有故人憐恩
更別關門去空對椒盤頌遠天

題秦淮曉渡圖

潮上屏平水烏嘯月滿街一聲橈響處曉夢落秦淮

杪秋漫興

獨立楓林古道旁參差煙靄護芳塘有時躡屩尋幽草一
向開門背夕陽山色青蔥供竹杖酒情縹緲記漁莊誰人

更愜滄洲興振柁天南問石梁

無題

飛燕當年事已非漢家庭院思依依多情只有樊通德擁
髻燈前淚溼衣

憶得

黃鴉穀穀雨疏疏燕麥風輕上鯊魚憶得往時寒食下全
家上塚泊船初

余欲北行鄰翁持酒相餞戲題一絕

輕雲疏雨變新涼白酒黃雞餞舊莊自笑明朝千里別堆
盤赤棗作重陽

別莊氏女子

憶我種梅日甲午暮春間生爾十月後梅花始及肩女長

梅亦大於今二十年今爾別我去梅花仍滿檐與爾簪荆
釵摘梅插花鈿淒然與母別母痛淚如泉拭汝縱橫淚記
我臨歧言爾在汝舅側實如父母前汝姑旣已無正須賴
汝賢其餘諸姑叔和柔實所先苦語何可盡繞梅空潛然
晉陵喜聞于子遂庵歸里卻寄二十韻

八月風露清林端棗紅皴喜我故人歸歸與窮昏晝離緒
依僮僕歡情隔老幼如此二十年思之令人瘦似我客京
華賣文救顛仆官長怕逢迎溪田憶耕耨悠悠寄征旆披
披拂歸袖及來故山邊壺榼爭相就懶說短長亭夢驚東
西埃翻思君在遠歲月荒難究去者松楸古來者年齒茂
君猶住燕山縹緲親句讀如今事已然志願頗稍售出入
有兒郎孫亦復娟秀茗椀列前軒爐香置几右主客釀錢

刀親朋羅釘餽笑語多舊事契闊喜新觀時維往來客中
有草木臭是時江南天煙雨寒橘柚明當少有攜一醉爲
君壽

苦雨行

泥滑泥滑傍籬落補屋補屋呼屋角復有菰蒲更深村
邊盡日嘯姑惡風雨無賴送春歸江北江南水半扉黃笠
青蓑乘棹去萋萋草長沒漁磯此時合閉茅堂坐何堪更
鼓他鄉柁四月沿溜下閩門雲連山頂煙護村東風捲浪
輕帆健過盡千峯酒一樽及抵家山更蕭索雨亦不收風
又作何時巷陌聽嘯鶯一洗從前喚雨聲

絕句

杏花風起雨如絲人在輕寒暮閣時楊柳毵毵春院閉青

鳩唳上最高枝

毛先舒初名駢字稚黃錢塘人有東苑詩鈔思古堂集

詩話稚黃初出陳臥子之門又嘗從劉念臺講心性之學淵思盛藻華實雙佩與西河鶴觚齊名時人爲之語曰浙中三毛文中三豪列於西冷十子

宿韜光望海日

龍宮鷲嶺天下奇韜光更上升雲梯蒼穹髣髴欲摩頂石
氣濛濛拂衣冷山僧邀我山中宿乘興扶筇踏巖谷便因
晞髮卧峯頭俯聽檐鈴和風竹夜深月沒靜羣籟隔樹明
河似縈帶須臾微紅乍起滅瞳矐正出扶桑外天浮海濶
見俄頃不覺此身駐西嶺誰持青鏡寫燕支閃爍團圞無
定影滄波一半吹紫濤良久不見東方高凌風欲去更惆
悵天水茫茫兩搖漾紺殿紅樓黯欲開下方始聽雞三唱

七夕

今夕是何夕碧雲滄海端月華如夢醒秋色到煙寒帝女
量河水宮人裂扇執愁心滿空碧只倚玉闌干

秋色

秋色滿吳嶺登高四望同斷虹垂木末殘雨過江東細草
還留碧寒花也自紅昔人高卧處應在白雲中

祁奕遠至錢塘

一水中分越岸沙春鴻消息路偏賒別來何處拏芳杜相
見依然感鬢華阮籍壚邊堪避世王尼車上便爲家對君
卻掩三年淚苦竹城頭起暮笳

吳宮詞

蘇臺月冷夜烏棲飲罷吳王醉似泥別有深恩酬不得向

君歌舞背君噉

倪濤字山友號崑渠錢塘人

詩話崑渠閉門著書貧無寫官躬與妻子逆錄成六藝之一錄四百卷甄綜古今文字源流蔚爲巨帙四庫採其書今其手藁尚在前數年出海

王林市上居爲奇貨不知落誰手也

擬白香山有木詩

有木名梧桐棲鳳臨清池朝陽承新色碧玉拂疏枝春風及萬物枝葉方菱滋別類或刺手花發眩蘋姿浮華惜無實譌似空參差排雲高百尺孤立耀後時知音儻可待韶雅誇天資槃阿厲名節澍雨敷丹墀

有木盛湖湘其名賦束楚同在薪蒸中獨以翹楚許叢生寢以滋藩觸勢莫阻託質非無用橫生未得所偏不儕梓粉翻憂害禾黍或慕堅彊性相依近居處下趨棘與荆當

路苦徒侶山樵不可刈聚類快一炬

董瑒字无休會稽人有學村園稟

詩話无休十歲能詩師事叢山兩游金陵度嶺南王元倬屈翁山陳元孝咸重其詩斷句如欽江晚霽云石怪濤吹面雲輕月上衣萬安云灘聲催遠漲月色淡荒城趨佛山云千點鷺鷥低未下萬家龍荔綠成團皆融鍊無痕

鳳城客興

迎暉山下此來游草草逢人易唱酬處士失時存意氣孤臣去國見風流江湖自擬同浮梗身世相看戀古邱念有對牀兄弟好花臺搖落獨居幽

送同學還建業兼呈其伯兄及陳元孝

見君無幾值君行惜別因思君弟兄五嶺煙雲輕載去六朝風雅舊宗盟香過野岸花分候路出江皋鳥變聲到日

若逢陳大在道余將出趙陀城

寶月臺次愁山老人夢游集韻

孤城此地幾兵戈剩水殘山近若何誰唱滿江紅一闋斜陽低處晚霞多

暮山萬疊翠煙含此夕登樓意渺然兀坐四東方吐月有人松下喚漁船

吳屯侯字符奇嘉定人明季武舉入國朝爲諸生有西

亭詩

詩話符奇早受詩法於程松園秉文習武曾隸水師後又應試餼庠因進賦放廢詩乃益工樂府得古意近體有中晚風格其弟茂含莊以文鳴皆貧而無嗣學使李醒齋振裕爲刊集曰延陵合璧符奇詩有淵源願見功力當時言詩者竟罕齒及

黃雀謠

八月黃雀生九月黃雀飛飛來飛去啄禾黍禾黍欲空黃雀肥原頭網羅日相逐嗟汝身肥命亦速

相逢行贈范陽李都護

昨朝相逢在狹路死生一言不相顧今朝相逢都市中揮鞭掉首去若風朱家劇孟世罕有敦盤三物俱成空夫君慷慨燕南客珠袍錦帶何翕赫牀頭莫邪中夜鳴睥睨泰山輕一擲相逢不語心自知傾蓋已作千秋期荆卿不得魯句踐易水衣冠徒爾爲

江頭哭

江頭夜哭聲嗚嗚鄉音彷彿越與吳更聞醉罵哭隨止從此竟夜惟呼盧市門早開羣婦走白梘驅呵似雷吼叱使沿街索酒錢淚珠簌簌擊纖手自言生長深閨房誰知萬

里投邊疆纏身鐵械死不得羞顏無處堪遮藏罪人之孥
盡應殪皇恩宥減等天地男兒屠裂有餘辜那許蛾眉言
節義

泊舟江澗

空江微月落不寐露沾衣獨鶴當磯立繁螢貼水飛客懷
秋更遠身計老多違自愧非袁虎高吟聽者稀

舟泊龍江

飄泊終何事征帆日趁流鳥飛江驛暮人到石城秋市火
浮孤櫂漁歌出遠洲停沽休借問長記柳邊樓

吳門送汾陽劉明府往宣州舊治

宦跡君何滯他鄉且作歸兵荒征路險貧病別人稀晚驛
兼雲宿秋帆帶葉飛南陵舊山色應待謝元暉

自遣

傲刺雖懷總未投
早知身世一輕漚
長貧枉說千金賦
高卧猶存百尺樓
已謝子魚分講席
還嗟夷甫覆神州
繞門秋水菰蒲滿
若問新盟有數鷗

酬郭萬戶遠寄塞下

萬里關山萬里風
手磨殘血試彫弓
蒼駝晚放吹螺甲
黃鼠朝烹灌馬醢
誰說王嬙長有恨
不知蘇武是何功
聞君一事猶堪羨
毳帳胭脂比舊紅

漂母祠遇馮明思

寒雲黯黯塞天陰
尊酒相逢見寸心
買得吳鉤枉閒卻
報恩原只用黃金

送陸天祐之大梁

長淮秋冷葉紛紛
賁盡征衣酒未醺
多少梁園舊賓客
西風獨上信陵墳

陸典一名芳字敕先號觀庵常熟人諸生有觀庵詩鈔

黃琴六曰吾邑藏書絳雲之後有汲古毛氏述古錢氏羽翼之者葉石君馮已蒼陸敕先諸君子互相搜訪有無通假故當時數儲

藏家莫不以海虞爲稱首

詩話敕先爲毛斧季婦翁海虞詩苑稱其名曰貽典

平津館鑒藏書籍記元刻千家杜詩又有陸貽典一名貽芬印今從本集其詩摹東澗而才弱藉存流派兼志藏書家故實也

江樓

雲際長江上樓乾坤日夕撼中流
杯傾濁酒供懷古筆醺驚濤
倩寫愁烽火南州聞轉戰
繭絲東國動咿嚶鳳皇黃鶴空回首
崔杜吟詩滿地秋

次和牧翁三月十六日招集婁東諸詞人論文卽事

塵尾清言喜入微元亭俗客駕來稀山光獨隱烏皮几世
事雙扃白板扉寥落關河閒戰壘蒼茫天地剩漁磯春風
片席高人語千仞分明一振衣

門館清閒彥會新情多正值哭殘春空山虎豹無文質獨
水蛟龍有屈伸玉版譚禪共調笑朱櫻薦食動酸辛荒塗
今古明明在策足何知要路津

次和鶴客游鵝鴿峯

山到將窮處高崖復陡開沁泉幽磴滑背石凍雲頽庵僻
僧難住峯奇客每來自慙無濟勝空有夢徘徊

乙卯人日風雪同齏季山中早行送東澗先生葬兼
示遵王

腸斷梅花發故叢空山赴哭及瞳矐百年身世悲風裏千

古文章白雪中留謁不辭來孺子起墳多媿葬揚雄何人
爲琢寒山石有道碑裁第二通

時未有誌文

舟中看雪用蔣文從韻

綏綏一夕灑林巒雙槳招攜載酒寬劫盡乾坤存太素歲
窮人物入高寒禁多風雅篇中見借少方蓬海外看老我
無才誇白戰醉歌欲起卧袁安

周榮起字仲榮江陰人貢生

詩話仲榮客虞山爲汲古閣毛氏寫書工於楷法精鈔多出其手三女皆能詩工畫

早春江郊探梅

不謀同趣趁閒雲到處隨心寄遇欣日暝乍烘寒玉放風
柔催發縞衣薰竹圍江港潮初漲人到山樓磬自聞一片
氤氳香世界大堪投老謝蘿氛

先著字遷甫江甯籍廬州人

詩話遷甫博覽多聞工詩及詞著詞林紀事搜採甚博爲倚聲家所重詩多精警語五言如歸樵望鴉巢暮色失山影七言如才已累身心未死老難諧世自嫌真落葉盡遊客路凝泉如照故人心皆名句也

天盤嶺

野田棄疲驢七里陟修嶺負手石路間數盤歷幽靚山椒
得微亭行者喘初定歸樵望鴉巢暮色失山影轉嶺稍就
平縮足遵微徑蒼蒼寺門松鐘聲不出頂

同史千里宿蔡齋卽席次史韻

蕭瑟秋庭暮雨新深宵停酒話遺民文章何用驚時輩肝
膽惟應向故人才已累身心未死老難諧世自嫌真尊前
一寸將殘燭還抱高歌動鬼神

費密字此度號燕峯新繁人有燕峯集

詩話此度幼至孝侍疾至嘗糞父仲若司馬經虞崇
顧問孝廉出宰昆明遷佐郡成都亂後投牒乞歸不
得請於上官乃載髮侑以詩曰八次乞休歸不得衰
顏扶病禮翟曇黃冠故里今無望添個人間小雪庵
上官始許其歸蜀亂不可居轉徙至揚州而卒此度
既喪父北學於夏峯治諸經不薄漢唐箋疏之學當
道欲舉鴻博及薦修明史皆力辭詩清剛雋上五言
律尤工朝天峽一篇爲漁洋所稱佳章固不止此

朝天峽

一過朝天峽巴山斷入秦大江流漢水孤艇接殘春暮色
愁過客風光惑榜人明年在何處妻子共沾巾

沔縣村居

故國不可到春風吹閉門雲移峯頂寺花落雨中村事簡
人過少山深禍自尊無書傳子弟耕鑿任乾坤

晚江

昏氣滿孤嶼此時途尚遙天寒將作雪風急欲收潮棲鳥

黃雲樹歸人白板橋酒家隨意宿明日進蘭橈

棧中

棧閣通秦道青天未易行盡過奇絕處不負有平生白馬
巖中出黃牛壁上耕野花埋輦跡幸蜀只空名

同蔡洽田金游西山登祕魔崖望石壁

絕壁幾人到虛崖一望收秋聲先眾木日氣射高樓僧少
不鳴鼓簾稀只挂鉤卻愁山雨重杼柚捲溪流

雨

急雨占紅色遙青入望微水寒雲不絮雁大溼能飛早汲
愁高岸遲還畏薄衣瀟湘何處屋開戶待人歸

高郵遇故人

相逢多難後只此是天涯與子躬耕處蒼生尙幾家朱門

齊牧馬白骨亂開花香舊何人在行吟感暮鴉

元夕雨中見雁

野雲片片接橋西可惜年華負柳隄江上雨來催晝暝沙
中雁起覺城低寒邊無信傳春翻荒圃宜歸理舊畦濁酒
一杯和淚灑看銜猶記浣花溪

王琪字公甫號襟崆靜甯人有襪線集

詩話襟崆弟文甫瓊崇禎辛未進士自兵部郎出爲
武昌監軍道兼權藩臬順治康熙間歸隱結娉老社
襟崆年最高爲社中祭酒邊城斗大士大夫乃
能修耆英之故事爲真率之雅游是可紀也

和王季安作

僻處因耽道讀書獲我心爲嫌牽俗累不厭入山深野趣
聊荒遜才名豈陸沈聖朝思夢卜終忍卧園林

徐夜初名元善字長公更字稽庵又字東癡山東新城

人諸生有東癡詩選

王漁洋曰先生爲從祖考功季木先生外孫少讀書
外家榆柴風氣東髮工爲詩貌癯而神清望之如鶴
松露鶴又曰東癡隱居東
阜有朱桃椎杜子春之風
詩話東癡五言澄思幽質結響堅奧寫難狀之景神
似東野其作田園語柔厚澹古漸近自然又去陶備
不遠風骨特
勝於近體也

初夏田園

朱夏輒復變深綠日以肥感彼生物勤節候曾不違清晨
荷鋤出田間人尙稀觀物適自然時見朝雉飛不惜筋力
疲但恐坐食非作勞有時息高春行來歸端坐撫素琴可
以理朝飢

東村

村雞叫曙光頓覺身已老新年容易過過去跡如掃薄田

隨眾耕盈室安懷抱前年一再旱願力爲顛倒治生行問
人作力那得好慙愧食蝗餘終歲艱一飽今春雨復疎聞
說百里槁天心苟如此微軀何足禱

雨中去湖上十五里作

下田歲不登所利惟稻秫居人悉地力種十居六七西成
傲百穀嘆乾暵不恤莎草秋狼籍牛豕各紛出牧人隨牧
蹤夜不問廬室中雜鷗鳧亂唱和自儔匹我行水田中田
水濺我膝回觀所歷空頓使城郭失遠樹界週遭望盡天
水畢

季夏西山

結屋此山間柿陰濃晝暑雲從巖際來向我窗中佇北上
最高峯下瞰臨何許愛彼南澗松去濯清泠渚時來石上

坐月下聞樵語風雨澗香過石田響禾黍

月下望南山一帶

南山高幾許生此明月前山南何所有終古遂悠然遠村
人家少日中絕人煙出村向山路幽溪屢延緣石林當夜
朴泉壑及冬堅人聲下嶺陂一一聞前川欲問竟何說冥
對以忘詮

雪後西山卽目

抱暝驅堅徑聲連千里白鍊水縛地骨寒落石林瘠睛睚
歸眾曜遠明表微僻凍漲冰葉散風洲霰紋積勁草創堅
立溪翎登岸躑陵壑坦殊貌羣峯態轉益陡巖未云青潛
澌結負石淞流解屢合風日爭向夕當險值歸樵聳肩避
塵容

西溪采幽流矚引興

西溪流水處日夜聲中生巖阿發奇唱渾淪相與清穿林
逼漸響殊音歸一鳴磊砢勢難夷稍此非人攫沿林各開
境接異新常晴奇路幻庸跡回看來徑并蓼花媚孤嶼憩
流歸清平開心納層瀾浮影逐虛晶游黑過水起流光升
壁行奔匯入別澗倒溜飛高明長歌擊林木境盡白雲橫
九日得顧甯人書約游黃山

故國千年恨他鄉九日心山陵餘涕淚風雨罷登臨異縣
傳書遠經時怨別深陶潛籬下意誰復繼高吟

春日感懷

霜餘燒短草還青薪火相催更不停除卻文人消傲骨惟
應醇酒近頽齡中年絲竹傷何極上日鶯花醉未醒可惜

風流猶正始更無風景在新亭

富春山中弔謝皋羽

晞髮吟成未了身可憐無地著斯人生爲信國流離客死
結巖陵寂寞鄰疑向西臺猶慟哭思當南宋合酸辛我來
憑弔荒山曲朱烏魂歸若有神

王爾膺字襄哉號止庵又號泡齋掖縣人諸生有止庵

詩泡齋集

詩話泡齋篤學好古覃殫經史其謂治經當宗毛鄭
兩家詩何氏公羊鄭氏三禮已開乾隆諸儒漢學門
徑

瓊甥詩至次韻答之

羨爾桐陰什纔隨雁影過承家良足踴似舅未爲多彩筆
秋垂露靈心夜貫河由來風雅事無若後生何

有以琴命予者賦謝

雁行中斷最堪悲，壁挂青桐匣貯絲。
日上晴窗閒袖手，十年心事阿誰知。

謾園看紅葉

不知青玉樹誰作，赤霞勻老至翻能。
媚秋深欲當春無風，宵亦墜著露曉尤新。
何事悲蕭索，寒光自照人。

宿鳳翀字翼之號汝篁掖縣人諸生有松石館詩

詩話翼之與羣從孔暉震墟孔暉良墟愈退如宓子
靜皆能詩震墟有二登居詩焚餘橐良墟有碧筠草
退如有柏吟館藏草
子靜有濟美堂草

登臺爲赤霞趙使君賦

把酒臨高臺，雨霽秋初爽。
席地坐莓苔，歌嘯復偃仰。
涼風西北來，泠泠疏竹響。
縹緲煙霞思，悠悠濠濮想。
日入千山

暗四野氣漭沆稍焉林岫明月出東嶺上長辭九州牧願
作五湖長矯矯野鶴姿甯甘冒世網松徑夜虛寥幽人獨
還往醉裏欲眠時山童拂羅幌

重陽前三日林元洲邀諸友過寒同山莊

高臺眺望罷緩步到柴扉石路緣溪岸茅亭帶夕暉橋危
人怯度林靜鳥爭飛乘興忘歸晚沾衣草露霏

邵長蘅一名衡字子湘別號青門山人武進人諸生破

黜復入太學考授州同不就有青門集

宋牧仲曰子湘詩格高氣厚得唐

人三昧間闖入宋人要是佳絕

詩話子湘北游名動京師施愚山王阮亭皆折節與

交顧黃公評其詩不名一家七古之瀏灠頓挫七律

之蒼秀沈雄尤爲諸體之冠汪鈍翁喜嫚罵人少

許可謂其文章似柳子厚人品高曠似陸魯望云

兩後登惠山最高頂

雨歇翠微深山光媚新霽拄策凌清晨松杉吐仍翳捫蘿
已數盤緣磴方屢憩平蕪鳥去沒遠浦樹如薺絕頂驚銀
溇始覺具區大兩漚浮日月三州縈衣帶淼漭極無垠遙
天與波逝羣峯散鳧鴨汎汎煙波際平生懷壯觀興愜茲
游最下方隱招提鐘聲破蒼靄

京口行

前月有人京口至向我具說京口事可憐十萬良家子被
驅血作長江水馬首紛紛紅袖嘯城中處處青燐起玉帛
子女委如山良民痛哭官兵喜憶昨海艘蔽江下餘腥腥
釐捷如矢礮火朝轟建業城烽煙夜照瓜洲市北軍病熱
人馬疲遼人三萬一萬死豈無浙軍但袖手將軍陣亡中
丞走天塹之險一葦航區區孤城亦何有城中食盡還出

降官吏抱印趨道傍釜魚假息非得已男號女哭形蒼黃
從來兵機有翻覆龍江關頭晝飛鏃仗飛材官騎若雲死
國還能立戰勳嬰城既有郎尙書殺敵復用梁將軍將軍
突騎來酣戰虎頭燕頷誰不見腰間血洗大食刀馬上橫
飛僕姑箭追奔逐北旋枯蓬沿江報捷速飛電此時官軍
卻入城苦死雞犬無留生詎有童男貫高槩似聞節婦懸
衣桁嗚呼此事眞可吁屠戮豈異犬與豬上功盡擬侯王
相烈燄翻將玉石俱殺民何銳殺賊怯爾輩不得誇身殊
昨夜寡嫗哭交衛骨肉喪盡身羈孤腹飢足滿但僵卧日
暮哀哀眼血枯

送董舜民游五臺山

我聞雲代閒茲山神仙窟碑版雖茫昧圖經憶髣髴黃河

右紫繚恆嶽左峭嶮壑凝六月冰巖嵌千年雪松柏森地
底絕頂但石骨五臺五芙蓉詭狀鬪奇絕東堦古雪峰俛
視見溟渤半夜天雞鳴日照蓬萊闕西堦祕魔巖天池神
龍穴危磴干雲霄複嶂隱日月南堦益欽岑林麓互蒼蔚
仙花晝繽紛鐘聲暮超忽北堦覆宿堆古柏枝鬱屈一氣
俯大荒化城時滅沒中臺萬仞餘削成表岬岬下方走雷
雨陰崖纏虹霓灣澗太華池窈窕珊瑚碧君攜綠玉杖茲
游恣探歷四月別薊門青青坡陀麥五月渡滹沱襍穢獨
日赤遂登清涼臺結夏住絕壁跣腳踏層冰山風冷心魄
余本巖棲人頗愛謝公屐失足辭故山留滯京華陌逸興
坐飛翻送君徒倚撫煩君語山靈後期儻來覿

五月十七日喜聞施愚山汪鈍翁秦對巖錢宮聲曹

峨嵋喬石林李子德陳其年毛大可朱竹垞汪舟
次嚴蓀友徐勝力潘次耕李渭清方渭仁周雅楫
暨家戒三諸公以鴻博制科同官翰林賦贈五十

韻

泰華因培塿涓流赴溟渤鳳翽儀高岡麟游以時出聖朝
棟梁具峩峩皋與嵩更聞闢門典搜剔徧巖穴博學鴻詞
士有詔徵詣闕奏賦太和殿金石殷摩夏清越諧璆琳鏡
鏤詎蠖蛄三相驗討論天子親甲乙拔尤五十人一一枚
馬列維時月在皋既望越二日喧喧下明詔並命登禁闈
冢宰持故事聖恩特超越鳴珮翔鳳池排風羨毛質我方
客京華枯兀類株檠廡下新僦居畏熱脫巾襪當食聞除
書驚喜失噢喞同時諸君子與我半膠漆故歡諧縞紵提

攜愧先達新交紉蘭菹推挽比蝨蟹亦有吾宗賢飛轡偶
時喆羣公旣彙征吾賤亦庠豁此舉良曠典盛事久雍闕
科名束縛人如驥就銜纒奇士若擊拘平流得津筏嘉祐
舉制科得士惟軾轍三等占久虛何況二與一浩蕩蒙殊
恩公等宜惕恍比聞啟史局行細金鎖繙茲事誠大難煌
煌鉅著述餘子何足云曄壽頗排訐龍門扶風後廬陵庶
顏頡發凡及起例鄭重非瑣喬前明三百年大事凡六七
文皇靖難師忠臣慘刺劔遜國諸名賢姓氏半磨滅興獻
議大禮杖戍空肉血三案益紛拏賢姦慎剖別嗚呼鎮撫
獄清流離羅罽闔寺內竈煬盜賊外潰決民窮賦歛繁遂
令國步蹶思陵死社稷中外多杖節褒忠自聖朝闡幽待
特筆此皆關治亂件繫宜縷悉微詞或隱顯義例嚴掄截

我學愧雕蟲我生類蠛蠓詎能生羽毛行當返蓬蓽東澗
躬枯棹南岨茹薇蕨茅簷日偃仰簡編事繙閱庶人豈敢
議草野有公隲努力期諸公千秋光史帙

蓬萊閣望海

我來一蹋蓬萊閣溟漲高寒島嶼秋元氣蒼茫日月浴青
天出沒蛟螭游田橫五百餘荒峒徐市三千隔祖洲縹緲
神山不可見天風萬里聲颼颼

寒食宿遷道中雨

下相城邊路春陰困馬蹶直愁泥滑滑翻惜草萋萋雨挾
河聲壯天圍野望低故園淒絕處荒塚溼棠梨

慈仁寺古松歌

前年屢憩慈仁寺古松蒼翠流雲氣高枝偃蓋撐晴空低

枝攫拏捐厚地青天忽詫蛟龍蟠赤日只疑風雨至今年
重到慈仁來蒼皮慘裂枯幹摧一株已遭斤斧伐一株僅
存神鬱屈倔彊尙與夔魍爭愛惜或愁雷雨拔其餘四株
稍蔥蒨青青翻是尋常質我聞此松植自金元年胡爲摧
折荒寒煙摩挲三歎淚如縷嗟爾託根原失所慈仁寺中
大作集寺門日日飛塵土珠玉錦繡走黃埃日炙風霾氣
悽苦孤根不免蟲蟻穴勁骨甯能馴僮伍君不見廬山簡
寂觀高松千尺飄霜霰白鶴兩兩巢其巔仙人羽客時相
見又不見天台橋畔松作鱗之而蒼蚪龍銀河倒挂玉淙
淙樵斤獵火何由逢吁嗟乎人生位置有如此上馬出門
暮山紫

袁州謁昌黎祠

祖龍一炬灰墳邱燭龍晝暝天帝脊西京老翁彊解事手
箋口授牛毛稠當塗以還亂蠅紫南島北索如羹蜩叶况
復邱軻沒已遠東西二鳥鳴嘲啁帝憂濁世塞糠粃遣公
騎驎下九州鈞韶九奏響阿閣金鐘大鑄鏗天球二鳥縮
頸萬竅暗俄鳳舞獸紛夷猶炎州湯沐帝所賜潮州量移
仍袁州袁陽山城僅斗大袁山屏顏袁江流元和去今一
千載雲煙草木榮光浮祠屋三間古臺下丹楹粉壁龍蛇
幽豐碑倒薤纏蠹屬公神縹緲應來游星旄騰霄軼浮景
挾兩蒼螭驂素蚪十洲羣仙從遨戲閩圃綫馬扶桑軻我
欲挽公敬下拜跼陳瓣香公許不韓門弟子四五輩翺湜
郊籍誰其傳天門誅蕩公不來風寒竹樹聲颼颼

雪後登滕王閣歌

我攜鐵遂羅浮回豫章城頭吹落梅羅浮仙人大狡獪董
廉滕六供呵撝亂灑梅花徧原隰千峯一夜爭皚皚曉披
白鶴擎獨上滕王閣九疊屏風失青翠瓊樓十二垂珠箔
長江瀟淼迷孤篷漁舟藏浦高桅泊團團萬頃水晶盃一
片寒光冪寥廓初疑海上浮神山蓬壺縹緲不可攀其物
禽獸盡白色銀爲宮闕虛無閒又疑誤跨玉虹入月府玉
鬣抱杵凍不舉霓裳對對舞仙姝清虛高處寒如許回頭
雉堞堆璨瑳簷冰拄地鐸鈴語鱗鱗萬瓦溼煙浮旋覺此
身尙塵土忽憶滕閣今千年滕王蛟螭隨荒煙子安退之
骨已朽何況珠簾歌舞當時妍惟有西山只如舊此中樓
隱多神仙洪崖丹竈流銀汞蕭史茅龍耕石田我欲左攜
葛句漏右挽梅子眞徑呼玉蚪騎上天雲中縞鶴紛翩蹻

或言神仙之說竟茫昧且飲美酒醅朱顏向晚江山轉清
絕逸興擎雲坐超忽夜深蹋雪還上來揮手寒窗招海月

津門官舍話舊

對牀通夕話官舍一鐙紅十年存沒淚併入雨聲中

董以甯字文友號宛齋武進人諸生有正誼堂詩集

詩話文友少負文譽與鄉孤謨許士齊名工詩詞兼
通天算樂律晚年悉棄去專事窮經尤長於易春秋

游卽墨鳳凰峯慧矩院

夕陰澄大海千山翠色微林深雲自宿峯高鳥倦飛奇花
低昂開衣袂襲芳菲迴岡竦積石飛泉走珠璣煙光未盡
斂臺殿相因依尋仙杳無際空思拜眞妃徘徊石梁畔日
暮愴忘歸

漢江晚泊時將東歸

客子行何畏天涯一做裘滿傾桑落酒醉上木蘭舟暮氣
來千嶂孤雲薄九秋高堂今夜夢應說旅人愁

寄山陰單駿如

聞說山陰好迴檣鏡裏旋萬家依碧樹百道下紅泉況有
高賢在應多勝事傳明年風雪夜須待子猷船

送馬書升之江西

春風倦羽各差池攜手還傾酒一卮別賦送將南浦去漫
游安用北山移城頭月落驪歌早江上花明雀舫遲但慰
諸生迎絳帳欲聞長笛更何時

朱克生字周楨一字念義號秋厓寶應人諸生有朱秋

厓詩集

詩話秋厓爲敬可侍御克簡弟侍御順治間出按福
建察吏綏疆治軍禦寇卓然著聲績秋厓實從入閩

歸乃北游京輦閱慈仁寺書市得敝刺書客氏拜爲
賦客氏篇魚洋池北偶談紀其事漁洋又嘗爲點定
詩彙稱其詩警拔磊砢得少陵之骨
至同治中六世孫百琦始付剞劂

延平

建溪東下入南平樓閣千家出郡城密樹山光分隱見殘
陽雲氣別陰晴江通三水波濤疾劍合雙龍瘴霧生破浪
不驚灘黯淡百花巖下月華明

泛繡溪

繡溪一水兩川分繞郭晴波蕩縠紋白板橋頭魂欲斷寒
鴉落日小喬墳

草堂

草堂寒易晚朔氣到柴關落日戀高樹殘雲補斷山竹搖
風似雨鴉宿去仍還移意江天外蕭然麋鹿間

何掣字雍南丹徒人諸生有晴江閣集

詩話雍南以詩古文辭名一時與同郡程千一
有文概詩概諸選其詩出入錢劉韋柳之間

大梁少年行

大梁少年似飛仙
手刃蛟龍出深淵
腰垂明月眞珠珮
輕貽歌妓綴花鈿
高呼不飲田蚡酒
褰裳羞受鄧通錢
怪底禰衡懷片刺
紛紛鼠輩相周旋
千金結客無名姓
揮手但指珊瑚鞭

畫松歌贈梅瞿山孝廉

瞿山瞿山才思眞無比
左列丹黃右圖史
詩成不讓謝宣城
畫就直壓畢庶子
我在秦淮一遇君
終日接席細論文
偶出一幅小松畫
咫尺摩空蕩煙雲
盤蚪舞鶴多宛轉
駢枝屈影更披紛
一若風雨相翳薄
又若日月爲蒸氳
噫嘻

此畫如有神鱗紋斑剝何嶙峋對君稜稜好丰骨干霄足
與同輪困惜我獨少鷺溪絹韋家父子安足羨從今高望
敬亭山但詠澄江靜如練

佛殿

曲磴迴初地樞衣入化城磬中聞石語檐外見雲行險路
逢僧坦畸情對佛平能尋此際樂不必話無生

贈蔣大鴻

幾社存耆舊飄零早白頭詩名追歷下文體法弇州閱世
才應斂全身志未酬因茲餘涕淚不肯話封侯

聞祭鍾山舊陵口占一絕

恰逢故老話新亭詔出牲牲喜薦馨最是聖朝恩德重孝
陵無用植冬青

趙潛一名炎字雙白號蕁客漳浦人諸生有冷鷗堂集

詩話雙白僑寓雲間以詩鳴董蒼水贈以詩有句云古劍半蝕土花紫鐵笛橫叫秋雲穿孟郊買鳥今不死風梳吐納千餘年然其詩警拔蒼秀殊不類郊鳥

陳昌箕先生過訪

榕社同星散回思各黯然客帆終月雨江草六朝煙骨尙
峻嶒在詩多慷慨傳出門常自悔欹枕劍灘船

次酬錢子堅

年來雞骨枕茅亭寂寞邱園滯客星一杖看雲何處好九
山落木不堪聽夢殘烽火魂初定頭白江湖眼倍青天未
醉歌餘數子可知林竹未凋零

魏憲字惟度福清人諸生有枕江堂集

詩話惟度嘗選國朝詩爲詩持凡三集又別采百家
張詩持廣集中多顯宦列已於末朱竹垞獨不與竹

坵有詩云近來論詩多序爵不及歸田七品官
直待書坊有陳起江湖諸集庶齊刊卽指此

同友宿白雲洞

白雲留一宿同聽海潮音
漁火空江亂鐘聲隔院沈
煙光浮半榻花氣結層陰
忽唳松間鶴能清夢裏心

西湖春曉

十里寒塘路煙花一半醒
晨鐘催落月宿火亂稀星
欹枕看湖白開窗喜嶼青
笙歌方一歇鶯囀柳洲亭

舟中早發

灘聲催短夢帆逐曉風斜
嫩綠初歸柳新紅淺著花
宿煙籠水閣殘火乞漁家
回首山城裏淒淒起暮笳

山中夜坐有懷同學諸子

一江月色靜如秋空向雲堂
照獨愁隔水歌聲來遠艇斷

橋燈火出高樓支離瘦骨千峯下潦倒春心五夜頭遙憶
竹林諸舊侶夢魂曾否到滄洲

移家建溪留別諸友

十載棲遲卧小樓無端琴劍又東游煙霞有主眞傳舍天
地爲廬不繫舟行酒竹間兼聽鶴和歌花裏恐驚鷗他時
同寄相思句浮石雲間柘水秋

無題

相逢漫自說心知偏值雲飛雨亂時縱不傷春人亦瘦杜
鵑聲在海棠枝

李以篤字雲田漢陽人貢生有菜根堂詩集

詩話雲田爲文多奇采嘗游金陵走并晉遂詣京師
不能當其意放情詩酒自號老蕩子龔芝麓爲賦詩
贈其行

王伯敬見訪

士窮不易測薄技偶爲傳握手平生盡論心出處懸浮家
依采石作客耐秋天我亦新豐倦無能乞酒錢

王玉質秦中才子也居華山芙蓉峯下以此顏其讀

書之閣頃北來與予定交因索題

王子西京秀能談駟鐵風讀書居小閣望遠欲凌空玉女
煙鬟亂金仙露掌濃高歌下易水不哭阮生窮

易宏字涓遠號秋河新會人有雲華閣詩略

詩話涓遠自號雲華子少負才名陳獨漉贈詩有句
云入羣野鶴能驚眾出上新松卽傲秋吳留村總制
兩廣游海幢寺見其題壁詩賞之招入幕爲題詩稟
有句云齊驅鮑廐居端毫穎平指荆高入酒杯後出浪
游五岳登其西晚居端州法
輪寺以著述自娛遂卒寺中

登黃鶴樓

梅花聲散笛悠悠，笛歇花殘獨上樓。
天遠樹連雲夢曉，月明人隔洞庭秋。
千年事業英雄淚，萬里煙波旅客愁。
我識蓬萊今有路，好隨黃鶴御風游。

登瀟湘煙雨樓

瀟湘合浦在零陵，千里奔流注洞庭。
三戶人煙迷野黑，九疑山色渡江青。
雲行嶺上空朝暮，瑟鼓波中自窅冥。
故國愁心遙有寄，好隨明月照柴扃。

舟泊蕪湖月夜聞江上吟云：野月弔魂夜，夜愁霜輪寂靜遠。天秋誰憐獨照孤，臣淚灑向寒濤萬里流。吟罷悄然無人蓋，鬼作也感賦一絕以弔之。

南朝事業已全非，戰罷當年染血衣。
千古不消亡國恨，江濤長挾旅魂飛。

李漁字笠翁蘭谿人有一家言

詩話笠翁少游四方自金陵移家杭州因自號湖上笠翁精於譜曲時人呼之李十郎有傳奇十種行世其詩規樞香山真率而近俚

甲申紀亂

昔見杜甫詩多紀亂離事感懷雜悲淒令人減幽思竊謂言者過豈其遂如是及我遭兵戎搶攘盡奇致猶覺杜詩略十不及三四請爲杜拾遺再補十之二有詩不忍盡恐爲仁者忌初聞鼓鼙喧避難若嘗試盡曰偶然爾須臾卽平治豈知天未厭烽火日已熾賊多請益兵兵多適增厲兵去賊復來賊來兵不至兵括賊所遺賊享兵之利如其吝不與肝腦悉塗地紛紛棄家逃只期少所累伯道慶無兒向平憾有嗣國色萎菜傭黃金歸溷廁入山恐不深愈

深愈多崇內有綠林豪外有黃巾輩表裏俱受攻傷腹更傷背又慮官兵入壺漿多所費賊心猶易厭兵志更難遂亂世遇萑苻其道利用諱可憐山中人刻刻友魑魅飢寒死素封憂愁老童穉人生貴逢時世瑞人卽瑞旣爲亂世民蚍蜉卽同類難民徒紛紛天道胡可避

軍興三異歌爲督師李鄴園先生作

年來世事如狂瀾譚文容易譚兵難儒臣動云嫺武略一夫攘臂心先寒武定先生文進士平時不喜談戎事立朝功業盡文章誦讀無慚酬所志一旦宣威擁節旄到時賊熾民嗥號八閩禹甸無留土三浙人心若沸潮先生單騎臨危地晝夜披堅躬執銳車轍經過險路平螳螂壘粉無完臂砥柱東南仗一身金甌不損天難墜試問中原億萬

家阿誰不賴屏藩蔽我游吳越泛錢塘縱觀魚麗瞻烽燧
所見紛紛異所聞逢人屈指陳三異一異危疆反太平眼
觀戰鬪心無驚民心恃有一人在由他風鶴生疑兵二異
軍興不加派鼓腹依然清世界不似他邦物力窮稻梁輸
盡餘稊稗三異焦心人不老更比當年顏色好輕裘叔子
不知寒善飯廉頗終日飽問公何以得如斯答云利害非
吾知委贄便將身許國捐軀何待出兵時嘗膽擬將讐作
饌茹荼自覺甘如飴壯哉此語真難得義聲流自忠肝出
天下安危繫一人公肥不慮封疆瘠彈指仙霞入內庭闕
山蕩盡無遺窟滇黔楚蜀盡來歸不問而知功第一但祝
分茅不離茲憑公世守江南北千載重生郭令公牀頭疊
滿兒孫笏

金人瑞字聖歎吳縣人諸生

詩話明季鍾伯敬譚友夏諸人評泊詩文喜爲纖仄
核詭之語庸耳俗目爲之傾眩聖歎擴而廣之上攀
經史下甄傳奇小說皆以己意評泊數百年流傳不
絕陽五件侶世以爲賢殆其類歟詩不多觀過而存
之

燕子來舟中

無官只合置天涯偏有尋人燕子斜舊歲未成爲地主今
春眞累過寒家村社鼓邀分肉岸岸朱輪赴看花諒汝
從來飛不慣灘邊篷底寂無譁

晚晴簃詩匯卷三十三終